


一草亭目科全書  
咽喉氏喉科秘本  
咽喉脈證通論





書全科目亭草一

纂 苑 鄧

叢書集成初編

(補印本)

一草亭科目全書及其他二種

一九四〇年六月初版  
一九五九年十月補印

商務印書館出版

上海大東集成聯合印刷廠印刷

# 一草亭目科全書

鄧 苑纂苑字博望·江西清江人·明醫士·

## 目論

經曰五臟六腑之精華皆上注於目。骨之精爲瞳子。屬腎。筋之精爲黑珠。屬肝。血之精爲絡。屬心。氣之精爲白珠。屬肺。肉之精爲約束。屬脾。血氣之精脈所係。上屬於腦後。出於頂。苟被六淫外感。七情內傷。飲食失節。勞役過度。皆能損目。夫目通肝竅。腎藏其精。一有怫鬱。則相火挾肝木而上行。遂致傳變多端。有七十二症之名。總不越內外二障而已。華元化云。目類丸形。瞳神居中而前。如日月之麗東南。而晦西北也。有神膏。神水。神光。真血。真氣。真精。此滋目之源液也。神膏者。目內涵膏。神衰則有損。神水者。出三焦而發源先天。真一之氣所化。目上潤澤之水也。水衰則有火勝燥暴之患。水竭則有目輪大小之疾。耗澀則有昏眇之危。虧者多。盈者少。是以世無全精之目。神光者。原於命門。通於膽。發於心。火之有事也。火衰則有昏瞋之患。火炎則有焚燥之殃。夫心君主也。通於大眇。故大眇赤者。實火也。命門爲小心。小心相火也。代君行令。通於小眇。故小眇赤者。虛火也。若君主拱默。則相火自然清寧矣。真血者。即肝中升運。滋目注絡之血也。此血非比肌肉間易行之血。即天一所生之水。故謂之真也。真氣者。即目之經絡中往來生運之氣。乃先天真一發生之元陽也。真精者。乃先後二天元氣所化之精汁。起於腎。施於膽。而後及瞳神也。凡此數者。一有所損。目則病矣。無間子曰。夫目者先天之氣所生。後天之氣所成。陰陽之妙蘊。水火之精華。

血養水。水養膏。膏護瞳神。氣爲運用。神卽維持。喻以日月。理實同之。人身至寶。所當重也。

目



圖

目議

黑珠屬肝。肝爲木也。東方屬木。本生風。在臟爲肝。應目中。暴怒不常生內鬱。更因風熱。瞽侵瞳。其症因惱怒不常。勞役過度。外感風寒。內傷色慾。以致頭目眩暈。視物不明。日久不治。遂成昏暗等症。大小眚屬心。心爲火也。心居包絡。名君主。血逐火奔。眼內凝。眚頭大小分虛實。遠視還同是火星。其症因憂愁煩勞。悲苦思慮。內傷於心。外攻於目。赤筋灌瞳。弩肉攀睛。日久不治。漸至失明等症。上下胞屬脾。脾爲土也。太陰屬土。主脾元。積熱相于病有源。上下胞腫。又赤挑針時發蒂。依存。其症因多食熱物。炙燂辛酸。壅熱在內。瘀血腫痛。粟沙隱澀。日久不治。以致爛弦倒睫。纏綿不已等症。

白珠屬肺。肺爲金也。肺臟停留心熱攻。雙睛微見絳紗籠。但宣腸胃辛涼劑。方解昏昏似火紅。其症因凌霜冒雪。饑飽失常。風邪外受。內熱上攻。日久不治。以致視物不明。變成白膜遮睛。疼痛難開。衝風出淚等症。

瞳人屬腎。腎爲水也。又通膽竅。此水木有相生之義。肝腎有同治之方。腎膽同源。精自華。陰虛火旺。便生花。上冲腫水。還成綠。急養化源。不用嗟。其症囚嗜慾無厭。房勞過度。大驚傷神。大恐傷志。水火既虧。陰陽漸損。冷淚流於臉上。飛花越於目前。綠水灌瞳。青盲內障等症。

### 外障諸證

|       |        |       |       |       |       |       |
|-------|--------|-------|-------|-------|-------|-------|
| 暴發時眼。 | 疼痛難開。  | 時眼傳染。 | 羞明怕日。 | 白珠生瘡。 | 粟沙隱澀。 | 胞臉腫爛。 |
| 拳毛倒睫。 | 弩肉扳睛。  | 赤筋貫瞳。 | 翳膜遮睛。 | 垂簾翳障。 | 衝風出淚。 | 漏睛膿出。 |
| 傷寒流毒。 | 烏珠下陷。  | 烏珠突出。 | 偷針時發。 | 胞內生膠。 | 風牽喎斜。 | 雀目凝睛。 |
| 撞破生翳。 | 血灌瞳神。  | 飛塵傷目。 | 時發有根。 | 臉硬腫脹。 | 腫神脹痛。 | 時發瘰澀。 |
| 小眇赤澀。 | 大眇赤澀。  | 冰輪翳。  | 梅花翳。  | 旋螺翳。  | 浮翳。   | 實翳。   |
| 溼翳。   | 乾翳。    | 釘頭翳。  | 白翳。   | 紅翳。   | 青翳。   | 黃翳。   |
| 黑翳。   | 時發時散翳。 | 裏急外弛。 | 跌撲損傷。 |       |       |       |

### 外障證治法

世謂眼病屬火。然非外受風邪。眼必不病。因腠理爲風邪所束。內火不得外洩。挾肝木而上奔眼竅。血隨

火行。故患赤眼。及時調治。自獲全愈。倘日久不治。及治而無效。爲粗工所誤。遂成外障等症。外障者。風凝熱積。血滯也。法當除風散熱。活血明目。須用加減金液湯主之。外點玉華丹自愈。如患翳膜遮睛者。用仙傳紫金膏點之。此膏能開瞽。或武當人龍。此君亦妙。

金液湯治外障等症

軟前胡一錢。

白桔梗八分。

直防風一錢。

川獨活三分。

京芍藥一錢。

肥知母五分。

荊芥穗五分。

蘇薄荷六分。

蔓荊子七分。炒研。

北柴胡炒一錢。

片黃芩炒五分。

咀片水煎熱服。

如受風寒重者。初二劑加羌活五分。小川芎二分。白芷梢二分。後服仍去。

如淚多者。加北細辛二分。家園菊五分。

如腫脹者。加葶藶子三分。

如痛甚者。加厚黃柏三分。

如紅甚者。加連翹三分。桑白皮四分。牡丹皮六分。紅花三分。

如翳膜者。加木賊四分。白蒺藜八分。

如翳障弩肉者。加石決明煨一錢。

明如昏翳者。加密蒙花八分。家白菊五分。

如大眦紅者。加梔子仁炒黑七分。

如小背紅者。加酸棗仁炒一錢。遠志肉甘草煎。水浸軟。去骨炒一錢。麥門冬去心一錢。家白菊三分。生地黃一錢。當歸尾三分。熟地黃一錢。

如初發赤眼。服藥六七劑可愈。且無後患。外點藥。

如屢發者。風邪積熱。入在經絡。遇寒即發。服金液湯十餘劑後。或作散。或作丸服。調理三四十日。外用玉華丹。日點一次。即愈。

如體虛者。須用加減地黃丸。空心服。飯後用金液散。此法最妙。

如服金液湯。須飯後熱服。每日止服一劑。不可驟進。恐傷胃氣。服至六七日自愈。

如外障等症。多是有餘。不可妄投補劑。恐助邪爲害。

如內熱甚者。大便閉結。兼以體旺年少之人。加大黃一二錢。通後除去。此症北京最多。湯用五龍。

五龍湯。治暴赤腫痛。如北地體旺者宜服。

陳麻黃。荊芥穗。白桔梗。牛蒡子。莊大黃。

咀片各一錢三分。作一劑。生薑五錢。葱頭二兩。爲引。服後。腫消紅退。仍用金液湯三四劑。外點玉華丹。

玉華丹。治眼患外障。紅腫羞澀。昏膏翳膜等症。

盧甘石二兩。取白而輕者。如雲片及羊腦髓樣。川黃連一兩。去蘆。切碎。水一鍾浸半日。隔湯煮汁。童便一鍾。取男半歲無病者。同連汁和作一碗。

將甘石置傾銀罐內。炭火煨成碧色。取起。以連汁童便淬之。如此煨淬七次。加硃砂三錢。同研爲末。水飛。去脚。候乾。又研極細如塵。收貯聽用。名曰丹頭。另製珍珠。將珠錢許。置豆腐內。碗盛。蒸一時久。研極細。收貯聽用。

丹頭一錢。加珠末二分。旋研冰片三分。和勻。入磁罐。封固。凡一切外障眼。以銀簪。或象牙簪。沾藥點兩眇內。閉一飯久。仍以簪撥出藥屑。每日早飯後點一次。或夜點亦可。

### 仙傳紫金膏

真黃丹五兩。研細。水飛。候乾。用厚綿紙。盛鍋內。炒熟取起。地上候冷。又炒。又冷。如此九次。去盡鉛氣。又研如塵聽用。川黃連去蘆。淨。二兩。切碎。石燕一雌一雄。大者如板。與石蟹等分。搗末。水飛。聽用。石蟹不拘一個二個。與石燕雌雄等分。搗末。水飛。阿子十二個。真熊膽三錢。或五錢。多則效速。試法。壓撒水面。取粟許。滴水上。其壓分開方真。此眼藥神品。冬白蜜濾淨。八兩。

先將連訶。用井水三碗。煎至碗半。以蟹燕爲細末。水飛過。調和藥汁。同蜜。銀鍋慢火煎三五沸。後入丹。再煎。取柳條。或桃槐條。不住手順攪。用水一盆在旁。如沸起。卽擡鍋放水盆內。待藥有絲爲度。入熊膽。再旋百餘旋。勿令雞犬生人婦人見之。此方專治男婦一切眼疾。雙目不見十餘年者。竟能還明。但用兩蛤許。每日點五七九次。不用雙點。初點七日。停三五日。又點。七日用燈草撮其瞖膜。眼自明矣。如重者。不過三七日神效。

### 七寶膏

去諸醫障。

珍珠三錢。琥珀三錢。水晶三錢。龍齒一錢。石決明。熊膽各三錢。龍腦旋加五分。右搗碎。研細。水五升。砂鍋內煎至一升。去粗。用銀鍋熬至一盡。入淨白蜜五錢。和爲膏。每夜臥後點之。早不可點。

### 武當祕授仙方

武當山上一仙方。洩漏天機不可當。巴豆蕤仁和製石。礪砂龍骨白丁香。不論遠年醫膜障。管教一點便開光。

製石二錢。巴豆去殼。一錢。蕤仁一錢。二味全煎。水。去渣。以水入製石內。候乾。聽用。

礪砂。用田螺一個。漂二日。泥淨。開口時。以礪砂三四分入內。候其化水。以銀銚煎乾。收貯。每用二釐。龍骨。火煨爲極細末。一分。白丁香。取兩頭尖者。端午取。用甘草湯浸一宿。曬乾。研細。收貯。旋加少許。點醫膜障肉。

### 人龍散 治紅腫醫膜。

人龍一條。取壯大色白者。以線繫首尾。入長流水。洗淨。將磁尖破開。滴白漿入製石內。點目亦效。一。去胥肉。用杏仁百粒。搗爛。取汁。調製礪砂點。或又用白丁香亦可。

### 此君丹 治醫

淡竹箨。不拘多少。用布拭去毛。燒灰存性。每藥一錢。加麝香三五釐。同搗細末。點在醫上。亦妙。凡治外障眼。切不可用刀針鉤割。恐傷眼血。後成痼疾。不可治療。經曰。眼得血而能視。則血何可損也。但

用金液玉華等方自愈。

一、凡飛絲入眼，用鹽一粒，在口嚙化，其絲自出，或用香草子一粒入眼，其子在眼走動，撮絲撥出，自愈。

一、凡嘴眼歪斜，服去風藥數劑，脈平，又服溫補，外用鱸魚血磨白芨塗面一邊，立見其貌端正矣。

劉禹錫方 治一切患眼。

用黃連末、蕤仁、去皮研各等分，棗二枚開頭少許，去核，以藥填滿，仍將棗頭合上，綿裹，用銀鍋煎

水一碗，至小半，濾起，待冷，洗眼立效。藥用大而端正者。

嗜鼻碧雲散

治一切外障等症，如開鍋蓋法，常使邪毒不閉，令有出路，然力少而銳，嗜之隨效，宜常嗜以聚其力。

鵝不食草二錢、青黛一錢、川芎一錢。

右爲細末，先嚙水滿口，每用如米許，嚙入鼻內，以淚出爲度。

內障諸證

綠水灌瞳、蠅影飛越、

背、能遠視不能近視、

神空散、倒經血出、

黑霧蔽空、眩暈轉睛、

瞳神闊大、

瞳神缺陷、

坐起生花、

雀目夜發、

抱輪紅、

能近視不能遠視、

小兒痘醫、

烏風時發、

瞳神焦小、

瞳神破損、

青盲翳障、

不能久視、

亡血過多昏暗、

婦人胎風、

小兒疳傷、

冷淚時出、

瞳神返

瞳

瞳

內障治法

內障受病。多因瞳神不紅不腫。人不經意。日久不治。便成痼疾。瞳神屬腎。又通膽腑。人身最靈者。惟此瞳神。而人身最重者。惟此腎經。所謂乙癸同源也。夫人有陰虛者。有陽虛者。陰虛則水不滋木。少火挾肝木而上炎。肝通眼竅。眼斯病矣。蓋腎經如太極圖也。水火具焉。右腎屬陽水。左腎屬陰水。命門少火居中。少火者陽也。以一陽陷於二陰之中。成乎坎之象。故易謂天一生水也。水火和平。百骸通暢。然脾土非少火不生。肝木非腎水不養。脾氣足。自生肺金。肝氣充。自培心火。則腎爲五臟之源。所謂先天真氣。生身立命。正在此也。故無水者。壯水之主。以鎮陽光。無火者。益火之源。以消陰翳。非獨治目。諸症可例推矣。此水火乃無形之水火。即先天真陰真陽也。陰虛補陰。陽虛補陽。脈候參之。庶幾勿失。若水火有虧。瞳神受疾。遂爲內障等症。內障者。血少神勞。腎虛也。法當養血補陰。安神明目。須用加減地黃丸主之。空心服。兼進五寶丹。飯後服。自獲奇效。或千金磁朱丹。與石斛夜光丸。連服。及後方選用。

六味地黃丸 壯水之主 左尺微弱。補水以配火。

懷地黃酒洗。蒸晒九次。又酒煮爛。搗膏。八兩。懷山藥四兩。炒。山萸肉去核。四兩。洗。蒸。慢火。炒。白茯苓去皮屑。淨。蒸過。晒乾。三兩。牡丹皮去骨。三兩。光澤瀉去毛。三兩。

俱爲末。同地黃膏搗勻。加煉蜜。爲丸。如梧子大。每日空心。用滾水吞三錢。卽以美膳壓下。直至腎經。且無泥膈之事。

加當歸五味。生地黃。柴胡。名益陰腎氣丸。等分。加枸杞。白菊。

八味地黃丸 益火之源 右尺火衰。補火以固本。六味。加製附子一兩。肉桂一兩。

愚以附桂性烈。用還少丹代之尤妙。

還少丹 滋補腎水。溫養少火。諸虛百損。男婦咸宜。久服卻病延年。

懷地黃四兩。酒潤。蒸晒九次。竹刀切片。酒煮。搗膏。甘枸杞四兩。人乳蒸二次。乘熱。同地黃搗。肉蓯蓉

二兩。酒洗。去浮甲。蒸過。同地黃搗。川巴戟酒浸。去骨。晒乾。二兩。炒。川續斷二兩。酒炒。川牛膝

二兩。酒炒。川杜仲二兩。姜汁炒。斷絲。山萸肉去核。淨。二兩。酒洗。蒸過。晒乾。焙。遠志肉水洗。

去骨。晒乾。二兩。炒。石菖蒲用小而節密者。去毛。二兩。炒。楮實子揀淨。二兩。炒。小茴香二兩。炒

白茯苓去皮木屑。水淘淨。蒸過。晒乾。二兩。懷山藥二兩。蒸炒。

各製就和勻。用棗肉二百枚。搗和。加煉蜜。爲丸。如梧子大。每日早晚滾湯好酒任服。任吞五七十九。此

丸久服。健筋骨。利關節。充精血。美顏色。有大滋益。養生至寶。昔仙密授婦人服之。果得高壽。且如童顏。

因子不服。鬚鬢皓然。筋骨痿軟。時常怒責。一官遙見。拘問女何打父。婦曰。是吾子也。不服吾藥。故打之。

取方歎賞。名打老兒丸。原係孫真人自龍宮得來。凡腎經補藥。俱可漸加。

加味道遙散 治鬱怒傷肝。眼目赤澀昏暗。婦人多有之。血虛發熱。口乾。自汗。月經不調。腹痛等症。

大當歸酒洗。白芍藥酒炒。白茯苓去皮。白朮土炒。北柴胡炒。牡丹皮各一錢。蘇薄荷三分。

甘草三分。川黃連三分。用吳茱萸煎湯。拌炒。

右咀片水煎。古方有梔仁。趙氏恐其傷胃氣。故去之。

歸脾湯 治思慮傷脾。不能攝血。或健忘。怔忡驚悸。盜汗。寤而不寐。或心脾作痛。嗜臥少食。大便不調。或

肢體重痛。月經不調。赤白帶下等症。

人參。白朮。茯神。棗仁。遠志。歸身。黃芪各一錢。木香三分。甘

草三分。

右咀片。水煎。龍眼肉三個爲引。心臟神而主血。肝藏魂而主血。脾藏意而統血。若思慮俱傷。而血不歸經。故有前症。治以此方。使氣血和暢。補肝實脾。血之散於外者。悉歸中州。而聽太陰所攝矣。

天王補心丹

治心血不足。神志不寧。津液枯竭。健忘怔忡。大便不利。口舌生瘡等症。

人參去蘆。

元參炒。

丹參炒。

天冬去心。

麥冬去心。各一兩。

五味子蜜浸。

蒸。如生用亦

可。

柏子仁炒。

酸棗仁炒。

遠志肉甘草煎。水浸一宿。炒。

白茯神去皮木。

當歸身酒

洗。烘。各二兩。

白桔梗炒。五錢。

生地黄酒洗。薑汁炒。研。忌鐵器

右爲末。煉蜜爲丸。如椒目大。白滾湯吞服三錢。臥時。

五寶丹

主開瞽復明。瞳神缺者能圓。陷者能起。突者能平。真至寶也。

夜明砂水洗極淨。曬乾。醋炒。

晚蠶砂揀去土子極淨。醋炒。

鳳皇退殼內白衣洗淨。微火焙乾。如魚

則不用。老母鴨肝

水泡。切片。新瓦焙乾。忌鐵器。嫩雄雞肝製如前。

各爲極細末。各等分。和勻。每日早晚。用酒調服三錢。服至七日見效。如重者。再服一料。自愈。

千金磁硃丹 治神水寬大漸散。昏如霧中行。漸覩空中黑花。又漸覩物成二體。久則光不收。及內障神

水淡色淡白色者。

磁石吸針者。二兩。辰砂一兩。神麴四兩。

共三味。先以磁石置巨火中煨醋淬七次。晒乾。另研極細。水飛候乾。二兩。辰砂另研極細。水飛候乾。一兩。生神麴末三兩。與前藥和勻。更以神麴末一兩。水和作餅。煮浮爲度。搜入前藥內。煉蜜爲丸。如梧子大。每服二十九。加至三十九。飯湯送下。空心服。

右方以磁石辛酸寒鎮墜。腎經爲君。令神水不外移也。辰砂微甘寒。鎮墜。心經爲臣。肝其母。此子能令母實也。肝實則目明。神麴辛溫甘。化脾胃中宿食爲佐。生用者發其生氣。熟用者斂其暴氣也。服藥後俯視不見。仰視漸覩星月者。此其效也。亦治心火乘金。水衰反制之病。久病累發者。服之則永不更作。空心服。午前。更以石斛夜光丸主之。

# 石斛夜光丸 治症上同。

天門冬去心。焙。揀人參各二兩。兔絲子酒煮製。研。七錢五分。五味子炒。五錢。麥門冬去心。焙。一兩。杏子仁泡去皮尖。七錢五分。白茯苓去皮。二兩。枸杞子七錢五分。川牛膝七錢五分。生地黄一兩。熟地黃一兩。家白菊七錢五分。白蒺藜五錢。金石斛五錢。肉蓯蓉五錢。酒洗。去淨甲。真川芎五錢。中甘草炒。五錢。陳枳殼去穢。麴炒。五錢。懷山藥七錢五分。青箱子五錢。直防風五錢。川黃連炒。五錢。草決明七錢五分。羚羊角鎊末。五錢。烏犀角鎊。五錢。

右二十五味。製末。煉蜜爲丸。如梧子大。每服三五十丸。溫鹽湯送下。右方。羨補藥也。補上治下。利以緩。利以久。不利以速也。故君以天冬人參。兔絲。之通腎安神。強陰填精。

也。臣以五味、麥冬、杏仁、茯苓、枸杞、牛膝、地黃之斂氣除溼、涼血補血也。佐以瀉花、蒺藜、石斛、菴蓉、川芎、甘草、枳殼、山藥、青箱之療風治虛、益氣祛毒也。使以防風、黃連、草明、羚羊、烏犀之散滯瀉熱、解結明目也。陰弱不能配陽之病、並宜服之。此從則順之治法也。

**熊膽丸** 觀音治眼方。載藏經。一人患目、瞽障遮睛、諸醫不效。自念惟佛可救。於是禮佛甚謹。夜夢皁衣人告曰。汝要目明。當服熊膽丸。具在藏經。後依方修製。服之旬日。目明。眸子瞭然。卽治人目疾多愈。

**眞熊膽一分**。川黃連、密蒙花、川羌活、漢防風各一兩五錢。龍膽草一兩。蛇蛻一兩。地骨皮一兩。末賊草一兩。仙靈脾一兩。瞿麥五錢。旋覆花五錢。白菊花五錢。蕤仁三錢五分。

麒麟竭一錢。蔓菁子一合。

俱爲細末。以羯羊肝一具。煮其半。焙乾入藥。取其半生者。去筋膜。研爛入藥。杵而丸之。梧子大。食後米飲下三十九。諸品修製。唯木賊去節。蕤仁用肉。蔓菁子淘。蛇蛻炙云。

**烏龍丸** 呂仙翁治眼方。一人性喜雲水。見必邀款。小閣共純陽像。奉事甚謹。一日有客方巾布袍。入語曰。汝目昏多淚。當服烏龍丸可愈。於是依方治藥。服之月餘。目復明矣。夜能視物。年至九旬。耳目聰明。精神如壯。

**生地黃** 熟地黃惟出懷慶者佳。川花椒出四川。閉口者勿用。

三味各等分爲末。煉蜜爲丸如梧子大。空心鹽米湯吞五十九。竟可常服。

**報恩丸** 一官治罪囚。出活之後。因病死。官患目疾。爲內障所苦。喪明年餘。適夜半獨坐歎息。聞塔下悉

宰聲官問爲誰。荅曰：是昔蒙活囚。今來報恩。乃告一方。川黃連一兩。白羊肝一具。去筋膜。忌鐵器。以連末和肝於沙盆內。研令極細。爲丸如梧子大。每服以滾水下三十丸。連作五劑。言訖。忽不見。於是修服數日。復明矣。凡目疾皆可治。忌猪肉。冷水。雄雞。

孝感丸 一人父沒。奉母週遊四方。事母盡孝。淳熙中。寓秦川。因患赤眼。食蟹。遂成內障。諸醫無效。素解暗誦般若經。出丐市里。所得錢持歸奉母。凡歷五載。忽夜夢一僧。長眉大鼻。托一鉢。鉢中有水。令掬以洗眼。復告之曰：汝此去當服羊肝丸也。意其爲佛。拜乞其方。僧遂以方授之。

夜明沙淨洗。當歸酒洗。木賊去節。蟬退去足。

各一兩。共研爲末。用黑羊肝四兩。水煮爛。搗如泥。入藥拌和。又搗丸如梧子大。食後滾水下五十丸。服之百日。復明。與其母還鄉。母亡。棄家遂入道。後竟仙去。

### 三奇丸 治內障等症。

熟地黃九製。麥門冬去心。車前子去殼。

各等分爲末。煉蜜爲丸。如梧子大。食前服。用滾水下五十丸。

一子丹 葛仙翁治赤眼瞽膜等症。

大訶子一枚。以蜜磨點目中。

二百花草膏 蜂採百花羊食百草。

用羯羊膽灌入好蜜。攪勻。線緊縛蒸過。懸風處候乾。入瓶點目。

一人患目服黃柏知母之類更加便血何也曰此脾虛不能統血肝虛不能藏血也當用補中益氣湯吞六味地黃丸果愈

補中益氣湯 治勞倦傷脾中氣不足等症

黃芪一錢五分。蜜炙。人參去蘆一錢。甘草一錢。炙。歸身酒洗一錢。白朮土炒一錢。陳皮去白五分。升麻三分。

右咀片薑棗水煎服。

一富家子忽病視正物皆以爲斜凡物必更移令斜自以爲正其父求醫一醫留其子盛設暢飲至醉乃扶坐轎中使人擡之高下其手常令傾側展轉久之方令登榻而臥達旦酒醒遣之歸家前日斜視之物皆理正矣父母躍然而喜往謝問方何神效如此也醫曰令郎無病是醉中常閃倒肝一葉搭于肺上不能下故視正爲斜今復飲之醉則肺脹展轉之間肝亦隨下矣藥安能治之哉

一孕婦忽然視物不明目昏作疼此因胎熱傷肝毒氣上沖或外傷風熱內食炙燥性熱之物以菊連湯主之或金液湯治之無不效也

菊連湯 治婦人胎風眼

防風一錢。荆芥穗五分。家白菊五分。蟬退五分。連翹六分。枯黃芩炒七分。川黃連酒炒三分。梔仁炒黑六分。牛蒡炒研五分。大當歸酒洗八分。真川芎五分。白芍酒炒八分。懷生地一兩一錢。

右咀片生薑一片燈心一九爲引熱服

一乳婦因悸而病既愈目張不得瞑醫曰煮郁李酒飲之使醉卽愈所以然者目系內連肝膽恐則氣結膽衝不下郁李能去結隨酒入膽結去膽下目能明矣以一醉飲主之

一醉飲

郁李仁泡去皮三錢

酒一瓶煮熱飲之果驗

一婦人年四十餘兩目昏昧咳嗽頭痛粗工罔效一醫診脈皆細弱脾部尤近弦弱曰脾虛也東垣云五臟六腑皆稟受脾土上貫於目脾虛則五臟精氣皆失所司不能歸明於目矣邪逢其身之虛隨眼系入於腦則腦鳴而痛心者君火也宜靜相火代行其令勞役運動則妄行悔其所勝故咳嗽也不理脾養血而以苦寒治眼是謂治標不治本也症脈既詳方從意立醫者意也因故曰如意飲

如意飲

人參一錢五分黃芪一錢五分麥冬去心一錢貝母一錢歸身八分陳皮五分川芎五分

黃芩四分家菊五分麥芽四分甘草二分

右煎服二劑前症悉除

一婦人患爛弦風眼用覆盆子葉旋採以手揉碎入口中咀嚼而留汁滓於小竹筒內聽用取阜紗蒙眼用筆畫雙眸於紗上然後滴藥汁漬眼下弦轉盼間蟲出紗外有數十計其狀如絲色赤而長復用前

法滴上弦。又得蟲數十。兼服消風清熱活血之劑。遂獲全愈矣。

覆盆葉能去眼弦爛蟲。覆盆子能治目暗不見物。冷淚浸淫。及青盲等症。覆盆子草多取。晒乾。用時搗令極細。薄綿裹之。以人乳浸之。如人行八九里。用以點目中。即仰面而臥。不過三四日。視物如童。但忌酒麪油。蓋治目妙品也。

一人患赤目腫痛。脾胃虛弱。飲食難進。診其脈肝盛脾弱。如服涼藥以治肝。則損脾。飲食愈難進。服煖藥以益脾。則肝愈盛而加病。何以治之。乃於溫平藥中倍加肉桂。不得用茶常啜。恐傷脾也。蓋肉桂殺肝而益脾。故一治而兩得之。傳曰木得桂而槁也。

一人久患目盲。有白翳遮睛。服藥罔效。蓋此眼緣熱藥過多。乃生外障。視物不明。彼皆以爲肝損腎虛。補其肝腎。則眼愈盲。治以救苦丹。一月目明。

### 救苦丹

公猪膽一個。微火用銀銚內煎成膏。候冷入八冰片末二三釐。點入眼中。漸覺覺輕。又將猪膽白膜皮晒乾。合作小繩如釵大。燒灰存性。點醫甚者。亦能治之。

### 小兒痘毒眼治法

痘毒入眼。有赤腫而痛不能開者。有瞖障遮蔽而不能視者。自古方書所論。及俗說所傳。皆以爲痘瘡入眼。而不知此非有形之瘡。乃無形之毒也。其遮睛之瞖。有似痘瘡。而實非也。蓋有形之瘡。發于咽喉者。有之。發于口舌者。有之。然皆外瘡起脹時。內瘡亦盛。外瘡收靨時。內瘡亦消。惟入眼之毒。必作於收靨之時。

或還元之後。與咽喉口舌之痘迥異。此以知其非有形之瘡也。蓋眼者五臟氣血之精華也。痘毒之鬱滯於肌膚者。爲癰爲癤。而其留滯於精華者。則發于眼患矣。毒已留於氣血精華之分。則其受病也深。故患此者。當乘時調治。收功于數十劑之後。切不可鹵莽躁率。責效於數劑之間。何也。痘後之人。元氣已弱。受毒又深。而其毒火發露在表。又在至高之位。若驟用寒涼。峻攻其裏。而疏利其下。則既傷其元氣。又拂逆其病勢。未有不至於喪明者。且或生他症。而爲大患者多矣。須用清毒撥醫湯。從容調治。使其毒氣漸退。而元氣不損。此萬不失一之術也。切戒薰洗。若日久不治。亦致失明。患此症甚多。彼不知治法。又何怪乎。

清毒撥醫湯

防風五分。荊芥穗四分。蘇薄荷四分。前胡七分。蔓荊子四分。京芍藥六分。桔梗五分。北柴胡炒七分。片黃芩炒五分。連翹四分。肥知母炒五分。牛蒡子炒研五分。白菊三分。密蒙花四分。白蒺藜炒去刺七分。木賊三分。丹皮四分。水煎熱服。如紅甚。加紅花三分。桑白皮蜜水炒四分。如瞖膜遮睛。加石決明煨研八分。如淚多。加北細辛二分。如內熱甚。加黃連炒三分。

如甚者。可兼用後數方。

紫龍丹 治小兒痘毒眼。外用。吹耳。

黃丹五分。真輕粉五分。

俱爲末。研勻。如左眼患。吹右耳。右眼患。吹左耳。每日吹二次。每用釐許。

密蒙花散 治症同前。

密蒙花酒洗。晒乾。五錢。

蟬退去足土。五錢。

穀精草五錢。

望月沙洗淨。晒乾。一兩。即兔糞。

俱爲末。每用獺豬肝一兩。以竹刀披開。將藥一錢。和在內。用碗盛。蒸熟服。亦效。

穀精草散 治症同。

穀精草一兩。生蛤粉二兩。

俱爲極細末。每用獺豬肝一兩。去淨筋膜。以竹刀切片。和藥一錢。蒸熟服效。上二方。用母雞肝亦可。

### 小兒疳積眼治法

小兒腸胃柔脆。早不可饑。晚不可飽。衣服隨時。自不生病。因飲食失宜。過饑過飽。食後便睡。日晚加飧。寒熱不調。外感或少。內傷實多。元氣阻滯。漸致虛弱。遂難運化。釀而成疳。又貪飲食。肌肉愈瘦。腹脹下利。日久不治。疳蟲傷肝。目則病矣。或閉或瞽。而變生諸症。從而夭折。可不悲哉。醫不及時。治非良法。始如不覺。久則喪明。須用祕授玉龍丹主之。

玉龍丹 治小兒疳積傷眼。

蘇雄赤爲末。水飛。饑乾。三錢。

寒水石煨爲末。九錢。

右二味和勻。每日用雞肝一具。竹刀切片。去淨筋膜。膽同藥一錢。入酒一盞。碗盛。蒸食。五日見效。竟能開瞽。

### 治小兒雀目法

世傳雀目者何也。曰。每至日晚。二目不見。又如雞盲眼。經謂目得血而能視。肝血有虧。熱入血室故也。血主陰。晚夜屬陰。以類相從。治不得法。亦能爲害。須用照月飲主之。或決明夜靈散更妙。照月飲。治雀目立效。

真雄黃爲末。水飛。候乾。

用生雞。剖取熱肝。搗極爛。和黃五釐。溫酒調服。

決明夜靈散。治雀目。大人亦有此症。并治。

石決明洗。煨爲末。

夜明沙洗淨爲末。

公豬肝。每用一兩。羊肝。更妙。以竹刀切開肝。作二片。將

藥各二錢。鋪在肝上。合定。用線縛之。入沙罐內。米泔水煮熟。臨睡時。連肝藥汁俱服。

附刻薛氏選方

明目地黃丸。治男婦肝腎俱虛。風邪所乘。熱氣上攻。目瞤遮睛。羞澀多淚。

牛膝酒浸。三兩。石斛四兩。枳殼炒。四兩。杏仁去皮尖。四兩。防風四兩。生熟地黃各一觔。

右爲末。煉蜜丸如梧子大。每服三五十丸。食前鹽湯下。按此方可治內外二障。體虛及年老者。甚宜。

加減駐景丸。治肝腎氣虛。兩目昏暗。視物不明。

熟地黃八。當歸五。楮實一。川椒一。五味二。枸杞三。兔絲子八。車前二。俱是兩數。

各製末。蜜丸梧子大。每服三五十丸。食前溫酒下。按此方治內障。滋養神水。目自明矣。

地芝丸。治目能遠視。不能近視。漸至近亦昏蒙。

生地黃焙乾。天門冬去心。各四兩。枳殼二兩。炒。甘菊花二兩。

右爲末。蜜丸如梧子大。茶清送下百丸。

按陰虛不能近視。此方補陰藥也。故主之。

定志丸 治目能近視不能遠視者。

白茯苓。人參各三兩。遠志肉。石菖蒲各二兩。

右爲末。蜜丸如梧子大。以硃砂爲衣。每服七丸至二十丸。溫米湯下。食後。日三服。

按陽虛不能遠視。此方補陽藥也。故主之。但此症年老有之。空心。當服還少丹。及補腎陽之藥。

菊睛丸 治肝腎不足。眼目昏暗。常見黑花多淚。

枸杞子四兩。肉蓯蓉一兩。巴戟天一兩。甘菊花四兩。

右爲末。蜜丸如梧子大。每服五十丸。鹽湯溫酒任服。按此方專補命門少火。此水中之火不足。蓋水滋

肝木。肝通眼竅。是以神水足而神膏養。神光自發。瞳神可保無恙矣。明目何疑。可加熟地八兩。

秀重明丸 治腎膜遮睛。癰澀昏花。常服清利頭目。

甘菊開頭五百朵。荊芥穗五百穗。楮實子五百粒。木賊去節。五百莖。川花椒五百粒。去子。

爲末。蜜丸彈子大。每服一丸。細嚼。徐徐嚥下。

按此方俱輕清上行之品。治標可也。宜暫用之。

瑞竹四神丸 治腎經虛損。眼目昏花。

甘枸杞一觔。取色赤滋潤者。作四分。用酒一杯。潤之。一分川椒二兩同炒。一分小茴一兩同炒。一分芝麻一合同炒。一分獨炒。

炒過。將椒等篩揀去。加熟地黃四兩。白茯苓三兩。甘菊花二兩。共爲末。蜜丸如梧子大。每服五七十丸。空心溫酒送下。

按此方。中年以後。每日當服。不獨可保目明。而却病廣嗣。其功甚大。

大麻丸 治小兒肝風眼疳。

青黛。黃連。天麻。川芎。蘆薈。五靈脂。夜明沙炒。各一錢。龍膽草酒拌。炒焦。嫩防風直者。蟬蛻各錢半。全蝎。麝香少許。乾蟾頭二錢。炙焦。

俱爲末。公豬膽汁浸。糕丸如麻子大。每服十九。薄荷湯下。

按此方。疳傷五臟。各有現形。唯傷肝者。木因風動。遂爲目患。品味週至。誠良劑也。然余全書內玉龍丹效甚。

濟生桑白皮散 治肺氣壅塞。毒氣上攻眼目。白睛腫脹。日夜疼痛。

元參。桑白皮。枳殼炒。杏仁炒。旋復花。防風。京芍。黃芩。甘菊。甘草。甜葶藶炒。柴胡炒。

右各一兩。爲細末。滾水調一錢。飯後服。

按此方治風熱之劑。凡外障。睛珠腫脹。疼痛。宜服。

蜜蒙花散 治風毒攻目。昏暗眇淚。并暴赤腫。

羌活 白蒺藜炒。木賊 蜜蒙花 石決明煨。各一兩。甘菊家園者。二兩。

右爲末。每服二錢。茶清食後調下。

按此方治風毒。凡醫障眼。宜服。

蟬花散 治肝經蘊熱。毒氣上攻眼目。赤腫多淚。羞明。一切風熱昏瞢。

穀精草一錢。甘菊六分。蟬退五分。羌活五分。甘草三分。蒺藜炒。一錢。草決明一錢。

防風七分。山梔炒。七分。川芎三分。蒙花七分。木賊五分。荊芥穗三分。黃芩五分。蔓

荊子炒。五分。

右爲末。每服二錢。食後茶清調下。

按蟬花散。治外障蘊熱等症。固宜。但症有不同。或新起久患。或氣血虛實。量人加減。詳在全書。

洗心散 治風壅壯熱。頭目昏痛。熱氣上衝。口苦唇焦。咽喉腫痛。心神煩躁多渴。五心煩熱。小便赤澀。大

便秘滯。

大黃煨。甘草。當歸。芍藥。麻黃。荊芥各六錢。白朮五錢。

右爲末。每服二三錢。生薑薄荷煎服。

洗肝散 治風毒上攻。暴作赤目腫痛。難開眇淚。

薄荷。當歸。羌活。防風。山梔。甘草。大黃酒洗。川芎。

右各二兩爲末。每服二錢。食後滾水調下。

按前二方。人多用之。故存備參考。或問曰。洗心洗肝二散。治目何如。答曰。方以洗名。其剋伐可知。蓋爲體壯氣實者。感冒風寒外來。腠理內火不得消散。實熱上炎。奔入眼竅。暴赤疹腫。大便滯澀。姑以此暫用解散。否則不敢濫試也。人體不同。又烏可執泥乎。



本祕科喉氏尤

著 氏 尤

本館叢書集成初編所選  
借月山房彙鈔澤古齋重  
鈔皆收有此書借月在前  
故據以排印

# 錫山尤氏喉科祕本目錄

辨症總論計共三段一篇

辨症細條計共三十三段

治症祕法計共二十六條

用藥祕法計共二十五條

製藥祕法計共十條

配藥祕法計共二條

煎劑祕方計共八條

丸散祕方計共七條

吹藥祕方計共二十二條

附方計共七條



# 尤氏喉科祕本

錫山尤氏著

## 辨症總論

咽在喉之前。所以嚥物。經云。咽主地氣。地氣通於脾。喉在咽之後。所以嚥氣。經云。喉主天氣。天氣通於肺。喉納氣。天也。咽納食。地也。肺主氣。脾主食。納氣者從金化。納食者從土化。金性燥。土性溼。至於病也。金化變動爲燥。燥則澀澀則閉塞而不仁。故在喉謂之痺。土化變動爲溼。溼則泥。泥則壅脹而不通。故在咽謂之腫。病雖少異。其爲火症也則一。天氣閉塞。則爲喉痺。地氣閉塞。則爲咽噎痛。天地之氣俱閉塞。則喉咽俱病。蓋病喉痺者。必兼咽噎痛。病咽噎痛者。未必兼喉痺也。十二經脈。皆上循咽喉。盡得以病之。然統其所屬。在君相二火。喉嚥者。脾胃之候也。然經有云。肝者中之將也。取決于膽。咽爲之使。故咽喉病雖在脾土。亦由肝膽之所爲也。咽噎痛者。嚥唾與食則痛。是也。經云。形苦志苦。病生於咽噎。治之以甘藥。蓋陰氣太虛。陽氣飛越。虛火遊行無制。客于咽喉。痰結在上。而爲咽痛也。

咽喉爲人身呼吸飲食之門戶。方寸之地。受病易于危險。其症雖繁。大要總歸於火。蓋少陰少陽君相二火。其脈並絡於咽喉。故往往爲火症之所結聚。君火勢緩。則熱結而爲腫。爲疹。相火勢速。則腫甚不仁。而

爲痺。痺甚不通。則痰塞以死。故經云一陰一陽結謂之喉痺。火者痰之本。痰者火之標。故言火則痰在其  
中。言咽喉則牙舌亦包羅于內矣。火有虛實。實火者。因過食煎炒炙燂。蘊熱積毒。其症煩渴。二便閉塞。風  
痰上壅。將發喉痺。必三日先胸膈不利。脈弦而數。治宜先去風痰。後解熱毒。虛火者。或因飲酒太過。或因  
忿怒。或因色慾。火炎上攻。咽喉乾燥。必二便如常。少陰脈微。治宜補虛降火。凡用藥。總不宜純用寒涼之  
劑。取效目前。上熱未除。中寒復起。毒氣乘虛入腹。胸前高腫。上喘下瀉。手足指甲青黑。七日以後。全不進  
食。口如魚口者死。且治喉症。最忌發汗。誤人不淺。或鍼砭出血。卽汗之之義。若寒傷於腎。及帝中脹者。尤  
不宜針。至如內傷虛損。喉癰失音。無法可療。喉症初發。一寒戰卽止者。發後身涼。口不碎。必無重舌。或二  
便俱利。不可認作熱症。皆由陰氣虛寒而發。其痰不可弔盡。此痰乃身中之精液所化。與熱症乳蛾。搗舌  
之痰。毒腫一處。以流盡毒而愈者不同。若亦流盡。則精神竭而必死。先以藥吹。或用水渙之法。使喉一通。  
卽便服藥。第一劑發散和解。第二劑卽施溫補滋養之藥。設三四日後再發寒戰。或心痛骨疼。脇痛等症。  
皆爲難治。發時牙關緊急。喉舌俱脹。口碎而臭。或有重舌。及上有黃屑者。發後下午再發寒熱。二便閉澀。  
者卽作熱症。用石羔敗毒散主之。此亦爲易愈之症。如漸起三四日後而寒熱者。雖極凶亦不爲害。惟有  
症未減而牙關反不緊急。脣不腫而紋如好人者。不治。舌腫滿口。不治。色如葶桃。如茄子。如砂紙。不治。或  
逢重舌。發寒熱。猶可治也。舌以筋按之。其色雪白。起筋卽紫紅色。身內血已死。然口臭者。猶或可生。尤忌  
口渴。氣急痰多。稠如桃膠者。死期已速。一項俱紅腫甚者。亦極危也。面帶紅紫。面青帶白。神氣少者。俱不  
救。不語者死。略能語者。尙有可生之機。面色少神。喜坐低處者。亦難治。喉花爲帝中。性命所關。舌下紫筋

爲舌繫。下通于腎。白腫不治。傷之卽死。醫喉者不可不知。

### 辨症細條

喉痺 此症屬痰屬風屬熱。皆因鬱火而兼熱毒。乃喉症之總名。辨云。腫甚不仁爲喉痺。乃咽喉之重症。非總名也。

乳蛾 此症有單有雙。有連珠者。多因酒色鬱結而生。初起一日痛。二日紅腫。三日有形如細白星。發寒熱者凶。四日勢定。治之四五日可愈。其症生於喉旁。一邊生者爲單蛾。兩邊生者爲雙蛾。白星上下相連。狀如纏袋者。爲連珠蛾。單蛾輕。雙蛾重。連珠蛾尤爲重者也。

喉癰 此症因過食辛辣炙燂。厚味醇酒。感熱而發。屬肺。喉間無形狀。但紅腫而痛。重者亦寒熱而頭疼。四五日可愈。

搯舌喉癰 肥人性躁。感熱者多生此症。凡舌下生如小舌樣者爲搯舌。如連喉腫痛爲喉癰。不痛者非癰。大抵搯舌兼喉癰者其勢凶。先用真青。後用真禁。卽愈。

喉菌 此屬憂鬱血熱氣滯而生。婦人多生。狀如浮萍。略高而厚。紫色。生於喉旁。輕則半月。重則經月。月餘。在治者得法。患者守戒忌口。

纏喉風 此症因心中躁急而發。先兩日胸膈氣緊急。出氣短促。忽然咽喉癢痛。手足冰冷。頸如絞轉。熱結於內。腫擾于外。且麻且癢。喉內紅絲纏緊。手指甲白色。手心壯熱。喉腫而風火痰湧。盛如拽鋸聲。是其候也。最爲急症。初起一日卽治。可治。若過一日夜發後。目直視。喉中如雷鳴者。不治。探以燈火。近患

人口邊即吹滅者不治。若喘急額汗命在旦夕。又云纏者自頤纏繞赤色寒熱。

喉閉 傷寒後發者爲難治。氣閉不通無形無聲。

喉癰 虛火上炎肺金太旺致攻喉間生紅絲如哥審紋樣。又如秋海棠葉背紅絲一般。飲食阻礙如食

鹽醬等物則嚥痛雖不喪命亦難速愈。久則喉啞失音而不救矣。癆症多生此症。

喉刺 此多由先患癆病重症既久虛火自升榮血已竭其喉上腭有紅點密密如蚊蟲咬斑樣。此係危

篤將殂慎勿治之以取謗。

齦槽風 初起先齒痛不已後即牙齦肉浮腫紫黑色或出血久則腐爛而臭。蓋屬腎虛也。

牙漏 即前症久而不愈齒縫中出白膿極難調治甚則齒落如上左邊門牙落者不治亦屬胃火腎虛

也。

牙癰 一名牙蟬風初起有小塊生于牙齦肉上或上或下或內或外其狀高硬。

牙齦 生于牙盡叉中牙關緊閉此症初起緊盛至夜尤盛然不難愈亦不害命。

牙搔 症屬胃火形如豆大或內或外生無定處。

牙宣 齒縫中出血上屬脾下屬胃經實火上攻所致亦有胃虛火動腐爛牙齦淡血常出時時滲漏不

已。

牙菌 生於牙齦其狀紫黑色高起如菌狀此係血熱火盛兼氣滯亦有鬱極而生亦有好飲燒酒而生

者。

穿牙疔 先二日牙痛發寒後痛不可忍。牙齦上發一塊紫色者是也。

穿牙毒 卽前症初起未破者爲疔。已破者爲毒。其色紅者可治。青者不可治。

走馬牙疳 此症或因胎毒。或因痘發。毒攻齒牙齦腐爛成疳。殺人甚速。鼻梁發紅點如珠者不治。其色如乾醬。一日爛一分。二日爛一寸。故名走馬。以喻捷也。有齒者落盡而死。小兒走馬牙疳及大人骨槽風。俱要防齒落。上門牙左邊者爲牙中之主。此牙一落則餘盡落矣。最爲難治。若此牙不落。餘牙雖落猶可治。

崩砂疳口風 自舌下牙齦上腫赤。口內作響。如熱湯。牙齦漸爛。亦能脫齒。尋音聲。瘡腫起也。

連珠疳口風 自舌上起小泡。初起一箇。又起一箇。甚者三五七八九個。連珠生起。

舌癰 其症舌紅而腫大。屬心經火盛。地角亦紅腫。

舌黃 舌上腫痛黃色。亦屬心火。

木舌 舌腫大如養熟猪肝。不能轉動。又有一種生舌根下。狀如白棗。上有青紫筋。不能速愈。初起不疼。

不發寒熱漸漸腫大。初起卽治可愈。遲則難愈。此亦憂鬱所致。

鵝口 一名雪口。初生月內小兒滿口并舌上生白屑如鵝口樣者。故名之。

馬牙 係初生小兒胎內已受熱毒。見風卽生。但看牙齦上有白色如脆骨者。卽是。此欲發出胎毒。卽打噴嚏。含乳或吞或吐。或吞而不吮。其病已深。若不急治。入腹卽死。切勿認作黃疸之類。出胎便當看視。日日要挑。若過三四日病卽成矣。五六日堅硬難治。甚有發而復發。大約百日外不患此症。

懸癰 生於上腭。發紫泡如豆大者是也。

紫舌脹 屬心火。內必煩躁悶亂。

舌菌 屬心經。多因氣滯而生。生舌上。或如木耳。或如菌狀。其色紅紫。

頸癰 此症胸前紅腫。形在外。亦欲內攻。甚則喉閉出膿。

面癰 形色紅腫。屬陽。或白色屬陰。與前症相倣。

托腮癰 生腮下。因過食厚味。多飲醇酒。熱毒結聚而生也。

繭唇 此是陽明胃經之症。因炙燔所致。或兼思慮暴怒。痰隨火行。流注于唇。初結如豆大。若蠶繭突腫。堅硬。甚則作痛。飲食妨礙。或破流血。久則變爲消渴。消中難治之症。

### 治症祕法

凡喉症至五日即重。三日前。症雖重。尙未成膿。藥能消散。若至五六日。患處成膿。縱使穿破。後必爛成窠。爲難愈。爛處須多用八味口疳藥。藥內須多加龍骨珍珠爲要。

凡傷寒後。患連珠蛾及喉閉者。不治。其症喉項強硬。目睛上視。故多不治。

凡患喉症。非急症者。一二日。或未會發寒熱。病尙輕緩。若至第三日發寒熱。症必加重。須問其大小便通利否。如二便利。症必減。此不過浮游之火。攻于咽喉。宜內服消風清熱降火解毒之劑。若二便不利。乃內有實火。非用降火解毒重劑。反用通利二便之藥。火從何泄。病從何解。亦要問其頭痛不頭痛。如頭痛則發傷寒。爲難治之症。

凡喉症。必俟大便去後。方可望痊。如大便閉結。不可輕許其愈。

凡喉症初起。大便閉結。宜大黃元明粉下之。則火自降而易痊。若至五六日久不愈。而大便閉結。用之立斃。蓋因病久。胃氣已虛。元氣已弱。故忌用硝黃。雖大便閉甚。只宜用蜜導等法。此祕法也。凡喉症無痰者不治。

凡喉須吹藥四五管。方可出痰。必出痰三次。可以全愈。其出痰初管。必用金丹。多爲要。必直對喉中重吹。吹過卽提出管。恐痰乘藥嘔出也。

凡喉症先碎。須先用長肉藥吹之。後用碧丹。

凡喉症初起一二日。用碧丹。漸漸多加金丹。勢凶者。金丹爲君。或單用金丹。方能弔出頑痰。

凡喉連胸紅腫。此係肺癰。必用蜜調藥。加百藥煎爲要。一云百草煎。是爲要。

凡喉中無形便紅痛者。燈草灰多用。

凡婦人喉症腫痛。有因經閉。致火上升而患者。宜內服通經藥。經通而喉症自愈。

凡喉症凶者。面黃腫白亮無光彩。脈沉微無力。是神氣外泄。無陽之症。決不治。若面發紅腫。脈來洪大有力。症雖重。是有元氣。治之可痊。

凡腮口內腫爛。用箸縛絲綿蘸水。輕攪患處。痛者用藥必愈。不知痛者。卽係死肉。多難愈。

凡舌腫脹滿口。吐出在外。難以納藥者。用姜蠶牙皂俱製過爲極細末。等分。和勻。用少許吹入鼻中。牙關自開。痰涎自出。然後用箸捲綿蘸甘草湯。潤其唇舌。後用四味口疳藥。多加上好冰片。頻吹自愈。

凡吹喉藥。非惟腫碎患處要吹。并四圍好處亦可吹。取其沿開易愈也。

凡舌上乾而難吹藥者。或用蜜潤。或用湯溼之。方可吹。

凡口舌等症。吹藥後。如舌無涎。或如乾橘囊者。不治。

凡遇口舌腐爛。無血出者。不治。

凡吹喉內藥。須用氣和平。用管周遍爲妙。

凡治口疳。用絲綿輕攪。切不可用青布。恐傷處致腫。

凡舌脹大。用生黃柏加冰片敷之。若出血。用炒黃柏加冰片敷之。

凡患搔舌喉癰。如大便閉塞。煎藥內用元明粉。大黃。如小便不利。煎藥內加調六一散服之。此心法也。

凡用碧丹看症。凶冰片多於甘草。將愈。甘草多於冰片。

凡患牙癰。牙齦紅腫。但牙關不閉。口能開合。若患牙齦。則牙齦腫脹。肉突出。牙關緊閉。口不能開。先用碧

金二丹吹入。牙齦外用黃熟香削成鑿子樣。漸漸插進牙門。則牙漸開。即將金丹吹入患處。

凡藥貯磁瓶。須捺實。然後塞緊。至用時。用管撥鬆。用過仍前法。

凡吹喉症。欲出痰涎。加阜角末少許。

### 用藥祕法

一治單雙蛾。及連珠蛾。吹碧丹五分。金丹一分。後用金二碧三。同吹。出痰。兼服煎劑。左加黃連。川芎。犀角。右加赤芍。柴胡。雙蛾則兼用之。大便不通。加枳殼。元明粉。候大便去。則症自愈矣。如至三日。看喉內但

紅腫而無細星，卽喉癰症。

附方治單雙蛾。凡生乳喉，危在頃刻，將病人左右大指紮住，用艾圓灸大指向內處，卽少商穴。穴卽指甲角韭葉許，向內針一分，灸一壯。

治單雙左右蛾。巴豆不去油，研末，用一粒，細辛焙乾爲末，與巴豆相等分，將綿紙撚前，藥于內，作紙條，剪去一頭，露藥入鼻孔中，垂頭，少頃，便膿痰吐盡，繼之以血，卽愈。

又方，將青魚膽，用糯米入膽內，陰乾，研細，吹入喉間，亦有痰吐出，可愈。  
又方，芒硝一錢五分，膽礬八分，雄黃八分，明礬八分，共爲末，吹入喉中。

一治喉癰，碧丹加金丹少許，內服膏子藥，及煎劑，自愈。

一治喉癰，用碧丹頻吹，膏子藥不時嚥嚥，再服煎劑，內加土貝母，下氣，須忌憂思、憤怒、酒色、忌食雞肉、魚蝦、蟹、羊、鵝、豬頭、肝、腸、茄子，及一切辛辣炙煿，動氣動火之物，一月可愈。

附方治喉癰。癰圓一隻，必黑色者方用，白礬三錢，納入癰圓腹中，嘴脚俱紮住，外用鹽泥封固，火

煨，直至烟盡爲度，再用鹽內阜茨、燒灰，存性，量用多少，加入冰片少許，共爲末，吹入患處，卽愈。

治喉菌初起，用碧丹五分，金丹一分，後用金二碧三和吹，亦須頻嚥膏子藥，兼用煎劑，不可間斷，久之自愈。

一云，將茨菇汁搽上，然後吹藥，喉癰亦用此法，不然吹藥效遲。

一治搗舌喉癰，煎藥用犀角地黃湯，加減，其搗舌用金丹吹至舌根，及舌下兩旁，時刻不可間斷，方能速

瘥。喉間用金一。碧十。亦須頻吹。

一治纏喉風。最爲急症。初起即用金碧二丹頻吹。內服煎劑。可救。稍遲不救。藥中須加牛黃吹之。

附方 明礬 三錢。巴豆 七粒。去殼。鎔礬入巴豆。燒至礬枯。去巴豆。研細。吹入喉中。流出熱涎。立開。內服通關散。

又方 用虎脚跡草。即水薑草。加輕粉五分。和根葉搗爛。絞汁。以酒漿一碗沖服之。如牙關咬定。以筯頭攪開。灌下。嘔出硬痰。如雞子樣者。立效。一云輕粉不宜服。服之恐有害。此方疑非良法。姑存之。

一治痰厥。痰嗽。痰喘。痰吼有聲。取桃根下截毛窠。以針挑開頭。將梅花冰片一挖耳許。納之。封固。瓦上煨脆。研每服用一匙許。淡姜湯下。一云取榆樹上出過截毛窠一箇。剪病人指甲脚爪。如左邊乳蛾。剪其右邊者。如右乳蛾。剪其左者。若雙蛾。左右皆剪。用食鹽少許入窠內。煨過爲末。吹入患處。以手指拍其後項。視其所患在左拍左。在右拍右。兩邊皆患。左右皆拍。即時破潰。痰血即出。

一治喉閉。生白礬雄黃等分爲末。吹入喉中。又蛭蜥灌入即懸。又單雄黃新汲水磨下效。又巴

豆二粒。紙裹緊。切斷兩頭殼子。以針刺孔。納鼻中。久即瘥。內服通關散。又牛膝根。以醋同搗汁。去渣。灌

喉中。如不入。從鼻孔中灌進。神效。如無藥處。單用醋漱。流出痰涎亦效。

治喉痺。遠年廬頭。屋上作辯者。剪寸許長約一升。煎湯飲之。立瘥。此方傳自走方人。一友目觀伊治此症即

愈。此理未可解。

一治牙槽風。用口疳藥。加牛黃。倍珍珠孩兒茶。頻吹。初治五日。紫色退至白色。再五日可長肉。再五日方

可望痊。若成牙漏，齒縫出膿血，極難調治，須戒酒色，一切毒物，及辛辣炙燂，內服滋陰降火之劑，外用前藥頻吹，耐心治之，可以漸愈。

一治牙癰，即用口疳藥吹之，自愈。

一治牙齦，先用碧金二丹，吹入牙齦，外用黃熟香法牙間，再進金丹，吹至牙齦腫塊自消，方止。

一治牙搖，先用金丹，後用口疳藥，多加薄荷冰片煎藥，內多加石羔連翹。

一治牙宣，內服扶脾清火湯，外用珍珠散止之。一云宜服涼血清胃之劑，外用珍珠散，此指實火言也。若胃虛火動，腐爛牙跟，外用長肉藥，內服扶胃清火之劑，此虛火實火，較爲清楚。

一治牙菌，用口疳藥兼服煎劑。

一治穿牙疔毒，用金丹略加碧丹，吹之，內服涼血解毒降火之劑，已破者用口疳藥，加牛黃、倍珍珠，孩兒茶治之，服煎劑，如犀角消毒飲之類。

一治舌癰，用金碧各半，吹在舌根，方愈。煎藥內多加黃連、山梔、犀角。

一治木舌重舌，初起用金碧二丹，後單用金丹吹之，內服煎劑，雖凶不害命。

一治紫舌脹，單用碧丹，內服犀角地黃湯，加減一二日可愈。

一治上腭癰，銀針挑破，用口疳藥吹之，碧丹亦可。

一治面癰頸癰托腮等症，防內攻，須用碧丹內吹，兼服煎劑，外急用三黃散敷之。

一治小兒走馬牙疳，初生胎毒口疳，及大人糜口疳，重者俱用口疳藥，加牛黃珍珠，看輕重加減，無不奏。

效。

一治小兒雪口。用絲綿捲筋頭。蘸水。攪去白翳。用口疳藥吹。頻攪頻吹。內服犀角汁。或犀角解毒丸。  
一治小兒馬牙。先用溼水青布絞淨。以竹筴撥開牙關。用銀針脚漸漸挑出血。攪淨。用口疳藥吹之。立效。  
不吹亦不妨。

一治口舌喉內結毒。口能開合者。但用禁藥吹之。即妙。

一治齒脣。若初起無內症。用麻子大艾圓灸三壯。貼蟾酥膏。日久漸愈。若有內症作渴。早服加減八味丸。  
午服清涼甘露飲。日久流血不止。形體瘦弱。虛熱痰生。面色黧黑。腮額紅現。口乾渴甚者。難治。

### 製藥祕法

製硝礬法 一名玉丹。又名雪霜。先用生礬打碎。如指頭大。入傾銀罐內。用梓炭火入爐煨。煨以食筴刺入罐內。攪之。無塊爲度。次將上好硝打碎塊。投下。約十分之三。再次將白礬砂打碎塊。投下。亦十分之三。少頃再將生礬逐漸投下。候煖盡。照前投礬砂少許。如是逐層漸次投完。直待鋪起罐口。高發如饅頭樣。爲上方架起炭火。燒至乾枯。然後擇潔淨瓦一大片。蓋罐口。一時取起。將牛黃少許爲細末。用水五六匙和調。以筴挑起滴丹上。將罐仍入火內。煨乾即取起。連罐覆潔淨地上。地用紙襯。罐上再用瓦覆之。過七日收貯聽用。輕鬆無紋者佳。如堅實有豎紋者。能殺人。即不可用。或留作蜜調藥用。煨時火候初宜緩。然亦不可太緩。恐致礬僵。不易鎔化。後必堅實豎紋。中間及後須用武火。又如礬未鎔盡。即投硝礬。不能盡鎔化。以致堅實有豎紋矣。罐須煨透。不令爆碎。不用傾過銀者。恐有銹毒。此丹多製。

預備。愈久愈妙。製時不可用溼炭爆炭。臨症用時。要和冰片吹之。

取百草霜法。須燒茅柴者。方爲百草霜。須取其近鍋底者。刮去浮面一層。取中間一層。不宜刮著底。著底不可用。若鍋口邊亦不可用。

製黃柏法。揀黃柏之厚者切片。用荊芥爲君。甘草爲臣。煎濃汁。浸片。俟柏軟。即取起攤瓦上。慢火炙至金黃色。如焦色者去之。再入白蜜湯瀝一次。晒乾聽用。

製梅磬法。取青梅大而圓者。嫩而脆者。先用竹刀披下圓蓋留好。輕緩去核。將研碎生白礬。非前製過者。捺實在內。仍以圓蓋覆上。以竹釘扞好。過夜。明晨用炭火煨之。其青梅灰燼則無用。其梅內煨過之礬。輕白如膩粉。味極平酸。收貯磁瓶中聽用。此爲雪梅丹。

製人中白法。取多年溺器一個。用水灌滿。置于火爐上。滾則傾出。如是者五六次。須去盡傾出之穢氣。然後將鹽泥封固。文火煨之。半日取起。俟其冷定。去泥殼。取溺器內淡紅者。收貯磁瓶中。置地內。出火毒。再將後藥製之。

製人中白藥方。黃連。黃芩。黃柏。山梔。連翹。

右五味等分煎濃汁。將人中白火內煨紅。即淬入內。如此七次方止。收貯聽用。

製牙皁法。取牙皁之堅小不蛀者爲佳。炙至色光明而脆爲度。去其兩頭爲細末。

製燈草灰法。一名元丹。先擇白淨者。黃色不可用。鋪于淨桌上。以清水噴溼。候至心內漸溼爲度。將筆套之。完固不碎者。兩頭厚薄相等者。用水浸溼。以溼紅紙團塞緊一頭。即將燈草捺成團。塞入套內。以

竹箸搥實候出水。如此逐漸塞滿。再用溼紙塞套口。入梓炭中煨之。視其烟絕。及套內通紅。卽取起放淨磚地上。須先以水噴溼地上。用碗合之。待冷取起。剝去外面套灰。及紙團灰。藥灰須黑色成團者佳。煨時勿令筆管爆碎。不可煨過。過則灰少無用。不可煨生。生則不成灰。亦不堪用。此藥最輕。煨時尤難得法。須平日多製以備急用。

製殭蠶法 擇殭蠶之細直腹小爲雄。粗而大腹者爲雌。雌不可用。將牙刷蘸水刷去石灰。置瓦上。慢火炙至醬色爲度。必要折斷。中間無絲筋連者爲佳。去頭足。研細收貯聽用。

製鎗硝法 須擇其明淨紋理鎗鎗者佳。必須長白如牙厚。大者名爲牙硝。先以溫湯蘸過綿搥乾。仍用紙包放竈上椒料洞內。五六日收其溼氣自乾。如雪霜者收貯。

### 配藥祕法

碧丹配法 每玉丹三分。配百草霜半茶匙。入乳鉢研細。次入燈草灰一厘。研勻。配成瓦灰色。再加甘草末三茶匙。薄荷末三分。研極細。然後加上好冰片五釐。多加尤妙。再研勻。入小磁瓶。塞口極緊。勿令泄氣。然此藥須當時配合。若配過五六日則無效。設配過遇陰雨一日亦不效。凡春夏宜薄荷多。玉丹少。藥配成青色。秋冬宜玉丹多。薄荷少。藥配成白色。此要法也。又云再加月石少許。如欲出痰。加牙皂少許。薄荷須梗細葉小者佳。

金丹配法 每提過鎗硝一錢八分。配蒲黃四分。蒲黃生用。用羅絹細篩篩出細末。去粗褐色者。共研細。次下殭蠶末一分。牙皂末一分五釐。香白芷末一分。共研細。如淡鵝黃色。加冰片一分。再研

極細。此藥可以久留。雖經年亦可用。惟冰片臨症時加入。此藥善能消腫出痰。若遇牙齦、搗舌、穿牙、疔毒、專用此治之。若咽喉等。則兼用碧丹。看症輕重。如症重者。再加牛黃於本方內。如喉重症及喉風。加殭蠶牙皂二味。輕症則用牙硝蒲黃。蓋碧丹消痰化熱。解毒驅風。固爲良劑。尙屬平緩。若金丹消腫毒。除風熱。開喉閉。出痰涎。最爲神效。但喉症初起。金丹不宜多用。以其能直透入內。且善走散。若初起即多用之。恐症輕不勝藥。與病人反扞格不相入也。若喉癰及單蛾。單用碧丹。若其他重病。碧金兼用。須知先後多寡。最爲要訣。初起用碧丹九分。配金丹一分。吹過五管。次用碧八金二。再次用碧七金三。如症重。碧金各半用。至三五次後。痰涎必上湧。然後用金六碧四。將管直對喉中。重吹一次。隨即收管。即引出痰。此要訣也。若症重極。用金八碧二。尤妙。凡初起吹一次。須令患者低頭。流出痰涎。

### 煎劑祕方

#### 扶脾清火湯 治牙宣。

生地三錢。丹皮一錢。山梔一錢。荊芥八分。白芍一錢。石羔三錢。歸身一錢。知母一錢。

麥冬一錢五分。赤茯苓一錢。

右共爲一劑。水二盞。煎八分。食後服。

如小便赤澀。加木通。如大便閉。加元明粉。

如牙齦腐爛。用八味口疳長肉藥吹之。

清涼甘露飲 治齒齦。

犀角鎔一錢。茵陳一錢。石斛二錢。枳殼一錢。麥冬一錢。生地二錢。黃芩一錢。知母一錢。柴胡一錢。甘草一錢。枇杷葉刷淨毛。一錢。

右共爲一劑。加燈心淡竹葉煎服。

喉症煎藥主方

前胡。連翹。山梔炒。花粉。桔梗。元參。薄荷。大力子。枯芩。甘草。

一云加金銀花。

右共爲一劑。水煎服。如頭痛加石膏。如渴加麥冬。知母。如胸膈飽滿。加枳殼。如發寒熱。加柴胡。如鬱熱而發。加芍藥貝母。去心研。

舌症煎藥主方

黃連。木通。連翹。犀角。生地。丹皮。赤芍。麥冬。山梔仁炒。甘草。

加燈心煎服。如有鬱熱。有痰。加貝母。如大便閉。加大黃枳殼。如兼口唇。必用石膏。

牙症煎藥主方

腎主牙齒。乃腎之標。骨之餘。足陽明胃經之脈貫絡於齒。上牙齦。手陽明大腸之脈貫絡於齒。下牙齦。屬腎實。亦有腎虛。亦有風寒。

元參。丹皮。生地。知母。地骨皮。山梔炒。白芍。黃柏。車前子。甘草稍。

右共爲一劑。水煎服。如虛。加熟地。枸杞。去山梔。如有風。加荊芥。如欲解毒。加連翹。黃連。如熱。

甚加石羔爲君。炒黑升麻爲佐。如穿牙疔毒加甘菊及紫花地丁草兼用消腫解毒之藥。

蘇子降氣湯。虛陽上攻者用之。隨症加減。

蘇子五分。前胡一錢。當歸一錢。肉桂三分。厚朴一錢。廣皮三分。半夏麴五分。甘草一錢。

右共爲一劑加姜棗煎服。

清咽消毒湯

元參 薄荷 黃連 山梔 連翹 防風 荊芥 桔梗 石羔 銀花 牛蒡子 甘草

右共爲一劑水煎服。

喉痛口碎嚙嚙湯

牡蠣煨研粉。以陳米醋一盞入牡蠣粉三四匙調和砂罐內煎熬數沸待冷不時嚙嚙入口痛可止。

腫可平。

丸散祕方

犀角解毒丸

犀角一錢。桔梗一兩。生地五錢。朴硝一錢。大力子五錢。連翹六錢。元參六錢。赤苓五錢。青黛二錢。粉甘草二錢。

右共爲末煉蜜爲丸如龍眼大每服一九薄荷湯下若兼驚則硃砂爲衣通治小兒諸瘡丹毒及痧痘

後餘毒並妙。

玉液上清丸

吳暘谷醫武帝喉痹。製此丸。一九卽愈。治風熱上壅。頭目不清。咽喉腫痛。口舌生瘡。服之生津液。化痰涎。

薄荷十四兩。

柿霜五兩。

桔梗四兩五錢。

青黛三錢。

元明粉二錢。

川芎一兩八錢。

硼砂二

錢。甘草三兩五錢。

冰片二錢。

百藥煎五錢。

右共爲細末。煉蜜爲丸。如芡實大。每服一九。不拘時嚙化。一方有防風一兩八錢。砂仁四錢五分。

四七嚙化丸。治喉內有如梅核氣。痰咽不下。吐不出。服之如神。

紫蘇二兩。

厚朴三兩。

茯苓四兩。

半夏五兩。

薑製。

陳皮二兩。

香附二兩。

甘草一兩。炙。

以上共爲末。煉蜜爲丸。如芡實大。用大棗二枚。生姜五片。煎湯化一九。

烏梅嚙化丸方

柿霜一兩。

百藥煎六錢。

麥冬四錢。

川貝母四錢。

犀角二錢。

沉香二錢。

孩兒茶四錢。

辰

砂四錢。

牛黃二分。

薄荷葉一錢二分。

共爲極細末。用烏梅肉丸。如芡實大。每日不拘時嚙化之。

膏子藥。

治喉癰。喉癰。喉菌。

薄荷君。

玉丹臣。

貝母佐。

元丹。

甘草。

冰片使。

百草霜。

先將玉丹、百草霜研和勻，後入元丹，再研和，再入薄荷、甘草、貝母，研極細，方入冰片，再研和，白蜜調服。凡喉癰、喉菌，須時時頻咽之，症重兼服煎劑，及用吹藥。

吹藥祕方

珍珠散 治牙宣。

龍骨一錢、煨。珍珠一錢。象皮炙脆五分。烏賊骨去殼一錢。兒茶五分。三七一錢。乳香五分。降香節忌鐵一錢。沒藥五分。硃砂五分。冰片一分。

右共爲末，將新棉花捻成團，如指頭大，蘸水再捻成扁，蘸藥塞患處，以指抵之，勿動，一二次卽止。治口舌喉內結毒散。

薄荷一錢。兒茶八分。硃砂一錢。牛黃一分。珍珠二分。冰片一分。甘草一分。宜加天靈蓋一錢、煨。

右共爲末，吹之，如廣瘡結毒，加入輕粉少許。

三黃散 治頸癰、面癰，如腫硬不消，氣血凝滯，或痰塊結而不散，則兼陰症矣，加蔥姜汁爲要。此藥兼治小兒丹毒。

大黃君。蒲黃臣。牛黃佐。冰片使。

共爲末，用芭蕉根汁調敷患處，或用扁柏葉搗汁和蜜調敷，或用姜黃一錢。生大黃一錢。生蒲黃五分。冰片五釐。麝香二釐。白蜜調，加蔥姜汁二三匙，或芭蕉汁，或側柏汁和蜜，同前法亦可。

玉鑰匙 治牙關緊閉。

用巴豆壓油紙上。取油紙撚成條。點火吹滅。以烟熏入鼻孔。一時口鼻流涎。牙關自開。

治咽喉腫痛乳蛾牙齦散

梅磬一兩。甘草三錢。百草霜六錢。訶子肉煨熟。三錢。片腦。看症輕重。不拘多少。

共爲末吹之。

治纏喉風。塞喉風。一切急症。

梅磬一兩。甘草三錢。兒茶五錢。雄黃二錢。琥珀六分。薄荷一兩。麝香少許。製殭蠶四分。

共爲末吹之。或有時加蒲黃。去雄黃。

驅腐丹 祕方。此藥不宜多用。凡糜口雪口可略用之。

硼砂二錢。五倍子炒黑。研末。二錢。爲末吹之。

藍袍散

銅青一錢。水飛。香芷一錢。生甘草五錢。

共爲末吹患處。

黃袍散 治口碎。口疳。走馬疳。胎疳。痧痘後疳。

薄荷一兩。甘草三錢。黃柏三錢。黃連三錢。冰片不拘。

共爲末吹患處。如爛牙疳。要用藍袍散同吹。

眞青 治搗舌喉癰。

玉丹三分。元丹一釐。甘草一分。薄荷二分。牙硝三分。冰片一分。礞砂一分五釐。百草霜一分。

共爲末吹之。

眞禁 治症同前。

蒲黃二分。牙硝三分。礞砂二分。冰片一分。薄荷葉一分。

右共爲細末吹患處。

八寶丹 治喉癰、喉癰、喉痹、出血、單雙乳蛾、舌癰、舌癰、齒癰、牙齦、牙齦、搗舌、搗唇、牙疳、纏喉風、廣毒生於喉間。

牛黃一分。熊膽二分。珍珠五分。琥珀三分。乳香三分。沒藥三分。冰片三分。麝香一分。

一云用滴乳石五分火煨六七次。

右共爲末吹患處。

四味口疳丹

薄荷。香芷。甘草。冰片。

各等分爲末吹患處如凶爛加前製硝礬各少許。

八味口疳丹即兼長肉。

薄荷三錢。甘草五分。冰片三分。珍珠五分。兒茶一錢五分。白龍骨三分。煨。細香芷二分五釐。如腫。加之。

右共爲一料。將每味各研細如飛麵。密羅篩過。然後配合一處。再加製就黃柏末一分。入磁瓶中。勿泄氣。凡遇口碎各症。口疳。用少許吹之。如初起腫而熱甚者。多用薄荷取其辛涼。能發散也。如患處不腫。熱不甚。且痛久。宜長肉爲主。本方多加兒茶。珍珠。龍骨。配成紫色。凡一切喉症。碎者。亦用此長肉。如口疳重症。加辰砂少許。滴乳石少許。入兒茶內。研極細用之。如治走馬牙疳。穿牙毒。及重舌口疳。初生小兒胎毒。口疳。本方加牛黃。珍珠。無不奏效。若黑而臭腐者。不治。小兒黃色胎疳。如乾橘囊者。不治。如痧痘後口疳。加牛黃。珍珠。去龍骨。大都遇極凶症。難效者。或欲速愈。見奇。多加牛黃。珍珠。更多尤妙。痘後疳非此不靈。餘症加之。無不神驗。此口疳之妙藥也。

五寶昇丹藥

白礬一兩。金。膽礬一兩。木。磁石一兩。水。辰砂一兩。火。雄黃一兩。土。水銀一兩。

右共和勻。研至無星爲度。入陽城罐內。照常法昇之。收貯用。

喉內結毒吹藥

牛黃一錢。冰片五分。製過人中白一兩。五寶昇丹八分。

共爲極細末。吹入喉中。

奪命丹 與前八寶丹同功。

梅磬 礪砂 膽磬 黃連 薄荷 冰片

右共爲末吹之。

冰黃散 通用方。

冰片一錢。青黛五分。蒲黃一錢。黃柏一錢。川連一錢五分。甘草五分。朴硝五分。枯磬少許。礪砂五分。薄荷一錢五分。人中白一錢。

右爲末內吹外敷俱妙亦治丹毒。

十寶丹

薄荷二兩。甘草五錢。兒茶一兩。香芷二兩。血竭三錢。珍珠三錢。琥珀三錢。冰片四錢。雪丹一兩。滴乳石四錢。

共爲末冰片另加其雪丹出涎甚捷前禁方俱可加亦可單用此亦祕法一云無香芷加牛黃一錢輕症不必加如口喉不碎去珍珠琥珀。

沈慕溪常用方 一治牙齦七日可愈。一治重舌七日愈。一治舌根癰五日愈。一治喉菌半月愈。一治喉蛾三四日愈。

青黛 蒲黃 薄荷葉 鹿角尖 雞內金 香芷 冰片 甘草 掛金燈子  
已上共爲末吹之。如消腫用金玉二丹。如碎用碧丹世傳青藥黃藥白藥是也。

奪命仙丹 治纏喉牙關緊閉。

明礬潔淨者二三兩。人乳一飯碗。

右二味入銅杓內。用梓炭不可用生炭。火任其煎成。不可用扇搗火。亦不可動藥。須至紫霞色極鬆者爲佳。若黑色者不用。凡遇纏喉牙關緊閉者。蜜調少許。匙挑牙縫間。苟有流至喉間者。口卽開。痰自化下。及一切口中難愈之症。配入八寶丹內用。煎時忌婦人雞犬見。煉此藥宜多備風爐三四枚。預生火候用。如所用爐內火將滅。卽移杓於別一爐上。乘盛火勢也。

治咽喉十八症痰涎壅塞

陳大麥揀淨。炒至黃色。放地上。去火氣。再炒。再退火氣。如法宜炒至黑色。爲細末。備用。凡遇喉症。痰壅欲死者。配入碧丹。吹至喉間。痰自流出。

附方

驅風散 治咽喉腫痛。及纏喉風。雙單乳蛾。鑲喉。飛絲入喉。重舌。木舌。風痰上壅。緊急喉風。並效。

鴨嘴膽礬一錢。碧雪一錢。礪砂一錢。魚黃一錢。即青魚膽。枯礬。并收。蟬肚鬱金一錢。雄黃五分。殭蠶一錢。炒。明丹一錢。即臘月取公豬膽。枯礬并收。

右爲末。先將水漱口乾淨。然後吹之。

清咽散 治咽喉一切熱毒等症。

青黛五分。兒茶三分。冰片五分。膽礬二分。薄荷葉五分。月石一分。元明粉一分。燈草灰五釐。

爲末吹之。

碧雲丹 治一切積熱口舌生瘡心煩喉閉。

芒硝 朴硝 馬牙硝 滑石 石羔煨 青黛

先將生甘草煎湯入諸藥再煎用柳木棍不住手攪令消鎔化入青黛和勻傾入砂盆內候冷凝結成霜研爲末每用少許含化津咽不能咽者以管吹之。

保生丹 治時氣痰涎壅盛纏喉風牙關緊急咽喉腫脹水穀不通或痰迷不省人事。

梅磬一錢 雄黃一錢 藜蘆去皮心一錢 牙皂去皮炒黃一錢 黃丹少許。

右共爲末入磁瓶塞口臨用蘆管吹鼻孔中一方有全蝎梢一錢五分。

紫雪

青礬煨 冰片 麝香 月石 元明粉

冰連麝 專治喉痛口內或生肉球。

眞麝香二錢 冰片三分 川連末一錢。

五色神功散 專治牙宣牙漏穿腮等症。

冰片三分 麝香二分 大紅絨灰一錢 川連末一錢五分 礪砂一錢 珍珠一錢 鹿角尖灰

一錢 五倍子三分 牛黃一錢 雄黃五分 人中白一錢 製 元明粉一錢 靛花一錢 柏

末一錢 雞內金一錢 煨 百草霜五分。

喉症書亦多矣。惟錫山尤氏所著。不蔓不支。不偏不漏。其議論渾括包舉。其治法縷晰條分。惜未有梓而廣其傳者。余於無意中獲此抄本。抑何幸也。乾隆己酉仲春。琴川山爽閣主人吳炳篆識。

喉主天氣。通於肺爲呼吸之門。咽主地氣。通於脾爲飲食之戶。險地也而危病。求治可不急急乎。治當治火而火分虛實。實則疏之。清之下之。虛則理之。滋之。導之。總貴醫者之隨時用法耳。尤氏爲喉科專家。多祕方。施之虛實無不宜。世寶其書。余先人曾以青蚨二萬易得之。會若雲張君購刊。因舉舊本校勘一過而質之。並識數語於卷末云。嘉慶十三年歲次戊辰孟春靜巖陳耕道識於思誠廬。

# 喉科附方

常熟吳氏輯

冰片散 治一切口疳。

冰片一錢。礶砂五錢。雄黃二錢。鈔三張。煨灰。鹿角霜一兩。枯礬一錢。靛花二錢。粉草末一錢。元明粉二錢。雞內金一錢。煨。蜜炙側柏二錢。

如口中氣臭。加入中白三錢。銅青少許。共爲末。收貯聽用。

珍珠散 專治骨槽風。一名穿珠。一名附骨。一名穿喉。一名穿腮。一名牙槽風。

珍珠一錢。枯礬二錢。真麝香二分。大紅絨灰一錢。冰片五分。銅青一錢。孩兒茶一錢。人中白一錢。煨。靛花一錢。川連一錢。細芽茶一錢。雞內金一錢。煨。

驅風破毒 治症同前。

明礬。巴霜。草烏尖。牙皂。薄荷。紅內硝。

清肝流氣飲 治疳腮。

枳殼。桔梗。前胡。羌活。甘草。石羔。防風。荊芥。薄荷。

河水煎服之。

疎風桔梗湯

歸尾。枳殼。黃芩。桔梗。山梔。荊芥。元參。防風。甘草。連翹。花粉。廣皮。粉葛。

水煎服。

蘇子降氣湯

蘇子。半夏。桔梗。前胡。廣皮。厚朴。甘草。防風。枳殼。黃芩。

河水煎服。

八正順氣散

治喉腫及喉閉。

厚朴。砂仁。半夏。廣皮。茯苓。青皮。桔梗。枳殼。木香。元參。牛蒡。山梔仁。

水煎服。

防風通聖散

治口緊。

防風。大黃。朴硝。川芎。甘草。當歸。茯苓。石羔。薄荷。滑石。山梔。麻黃。荊芥。桔梗。連翹。芍藥。

清火降氣湯

治雙單蛾。

前胡。蘇子。厚朴。甘草。廣皮。半夏。花粉。元參。桔梗。羌活。

河水煎服之。

爛牙癰神方

膽礬研碎。白蘿蔔同拌。搗乾爲末。每錢加麝香二分。和勻吹之。

降藥方

汞一兩。鹽一兩。白礬一兩。火硝一兩。皂礬一兩。

同研如法降之。

一點金

降君硃臣礬巴佐。

煉蜜爲丸粟米大。

蟾酥爲使同研和。

癰疽發背點成破。

降藥三錢。硃砂一錢五分。

礬砂一錢。巴豆一錢。蟾酥一錢。

同研勻。磁瓶收貯。

治喉刺喉癰方

川貝母一錢。百草霜一分。燈草灰一分。冰片一分半。柿霜八分。玉露霜一錢。

爲末。蜜湯調服一錢。

治牙宣

馬攔頭搗汁。嗽之。橄欖灰。冰片。青黛。

吹之效。

偏正頭風方 此方能治半邊頭痛。左痛瞎左目。右痛瞎右目。雖痛至日夜號哭。淚汁牽流。目不識

人者並效。

乳香 三錢。去油。沒藥 三錢。去油。白芥子 三錢。炒。研。北細辛 三錢。酒炒。白芷 三錢。土  
妙。麝香 四分。另用。

共研末。將冬煮酒糟和藥。作餅三箇。如茶鍾大。次將麝香四分。勻三箇藥餅上面。以指捺入餅。放鍋中  
稻柴把上。隔水蒸熟。以扎太陽穴上。蒸進熱氣。冷卽換。再蒸。每餅一箇。約換十次。風寒隨藥而出。眼目  
卽明。頭痛立止。屢試屢驗。眞良方也。

先指蘸燒酒。麝香。摩太陽穴。然後用餅蒸之。方爲合法。若頭風痛。雙眼將瞎。只用丁香五十粒。麝香一  
錢。攪和陳煮酒糟內。分作三箇餅。以丁香嵌餅一面。如前方蒸熨。更妙。驗過。

余前患喉症甚險。用計醫藥。咽下卽瘥。勢如銳師陷陣。震霆蕩穢。不知其何方也。今春黃君琴六吳  
君心葵勸余刊尤氏喉科書。曰。此卷二十年前祕不得傳。惟季醫曾獲其一鱗半甲。因假別本于陳  
君繼先。蓋知其尊人石泉先生。曾以二萬錢抄易者也。顧字句已多後人增改。再考沈氏尊生書所  
錄。又非全本。決擇頗難。幸沅楚吳君以珍本相贈。遂得據以付梓。後有附錄一卷。係吳氏所輯經驗  
良方。非尤氏著。以其相類。并附刻之。張海鵬識。



咽喉脈證通論

撰人 不詳

本館據咫進齋叢  
書本排印初編各  
叢書僅有此本

## 重刻咽喉脈證通論敘

咽喉。昔人方之輿地。固險要之區也。扼之抗之。並制人之命。第其事有相背戾者。於地爭得之以制勝。至夫疾證則隘於此者危矣。然亦未嘗不合。人居險地以策勝之。疾得隘地以藥瘳之。客主之形不同。攻擊者之情一也。夫治兵無常勢。而用奇者勝。姜維守劍閣。鍾會攻之未能克。鄧艾由邪徑趣涪。吳人於江險。積鐵鑱橫截。王濬火燒液之。並筏去鐵錐。咽喉之用。甘桔湯。蜀人之劍閣。吳人之鑱錐也。此脈證通論一書。相傳出宋時杭千佛寺僧囊中。共十八篇。皆精要無類。吾友許子槿嘗葉之。生人不可計。世固不知其用藥禁忌一篇。昔人皆昧之。所謂吳人蜀人之蔽者也。亦猶七國之韓。欲援之而欲以折之。固必有道在矣。因續授之梓而記之。

道光二十有一年歲在辛丑閏三月吳興姚晏芳林北堂書



醫家十三科。咽喉居其一。誠以氣之出入。生死之關。事醫者不可不審求也。內經曰。喉主天氣。咽主地氣。欬論篇曰。心欬之狀。欬則心痛。喉中介介如梗狀。甚則咽腫喉痹。厥論篇曰。手陽明少陽厥逆。發喉痺。噎腫。瘰癧。解篇曰。厥陰所謂甚則噤乾熱中者。陰陽相薄而熱。故噤乾。骨空論篇曰。督脈生病。治督脈。治在骨上。甚者在齊下。營其上。氣有音者。治其喉。中央在缺盆中者。其病上衝喉者。治其漸。漸者。上俠頤也。謬刺論篇曰。邪客於手少陽之絡。令人喉痺。邪客於足少陰之絡。令人噤痛。不可內食。又曰。噤中腫。不能內唾。時不能出唾。考內經所言喉證者。凡謂臟腑之氣痹。著於其地而已。無所謂十八證三十六證也。惟靈樞經篇。岐伯曰。癰發於喉中。名曰猛疽。猛疽不治。化為膿。膿不寫。塞喉。半日死。則類喉科之乳蛾。而屬之癰疽。仲景去先聖未遠。其金匱玉函所載雜病。並無喉證。正與內經相合。李東垣劉河間爲金源巨手。所著諸書。亦不載是證。獨朱丹溪有喉痺一門。第以臟腑爲主。分經施治。則亦內經之支也。海甯許珊林槌得喉科書一冊。於其鄉之世業是醫者。題爲宋異僧所遺。以其篇第考之。卽所謂十八證也。先總論病態。而繫以藥。後詳方證。復列用藥禁忌。且以甘桔湯爲喉證所忌。一掃俗醫誤執成方之謬。是能獨具手目者。以其喉證爲火毒上升。用藥降氣瀉火爲主。卽靈樞猛疽之意也。其以病起何經。用何藥主治。卽內經丹溪之法也。夫善讀軒岐書者。固可隔垣洞見。何待檢閱之煩。然則此書之作。蓋爲俗醫設也。且爲無醫設也。俗醫與無醫。則此書之功偉矣。珊林因舊刻之訛。重勘而精梓之。家兄聖常惜其傳之不廣也。郵寄本重鐫。因括其大凡於左。道光辛丑閏月之望。吳興姚衡書於廣州撫使者署之雨春館。



# 校刻咽喉脈證通論序

或曰宋有異僧者。寓杭之千佛寺。遺一囊去。寺僧啓之。得是書。祕不欲傳。今尙有能世其術者。余曰唯唯否否。夫方技之書。類多託於畸人異士。隱僻恠誕者流。神其說以炫人耳目。是書苟宋人作也。不應有棉花瘡云云。此疾元時始入中國。何先數百年已能言之鑿鑿如此邪。第綜其方論。凡夫喉證之虛實緩急。辨析造微。多所依據。則知非近人所能。苟非宋。亦不出元明間一巨手耳。余先後獲四五寫本。率爲庸妄人竄改塗乙。故各各不同。及見禾中葉本。益紕繆滋甚。因卽數本中排比參校。窮數月之力。如理亂絲。不啻數棼之而數析之也。今年夏手錄定本。友人楊子星泉見而隲之。星泉今俞附也。殆不至阿私所好。以貽誤後人者。還授之梓。以永厥傳。簡首仍署曰宋僧原本。亦疑以傳疑意爾。夫豈敢神其說以炫人耳目哉。是爲序。

道光五年乙酉六月海昌許樾譔。



# 咽喉脈證通論

總論

通治用藥

用藥禁忌

丸散方藥

牛黃解毒丸

紅內消散

保命丹錠子

膽冰消毒散

冰硼散

玉屑散

鎖喉第一加減荆防敗毒散

重舌第二

氣癰第三

乳蛾第四

弄舌第五

纏喉第六

啞瘡第七

骨槽第八加減當歸連翹散

懸蟬第九加減千金內托散

爛喉癰第十厚羚羊母膏

熱風喉癰第十一涼血地黃湯

弱證喉癰第十二

喉閉第十三四順理中湯

噎食第十四當歸連翹散

發頤第十五南星膏

懸癰第十六

喉菌第十七

牙癰第十八

總論

夫喉者。吾生氣機出入之門戶。瞬息存亡之際。性命係焉。偶一受病。危在須臾。迫不及待。所貴醫者能識受病之原。與夫虛實痰火風寒熱毒之異。更於望聞問中參究脈理。尤爲先務之急。自來業喉科者全不

講脈。所以治之鮮效。今試論之。假如其脈洪大而實。其人氣粗而躁。此有餘之證。用藥則以散風下氣清火消痰。散之者。荊芥、防風、羌活、獨活、紫蘇是也。下之者。枳殼、枳實、青皮、厚樸、山查、前胡是也。清之者。山梔、黃芩、黃柏。甚則犀角、黃連。消痰則以膽星、樓仁、杏仁爲主。若脈洪大而浮軟無力。或絃緩而澀。其人氣委而靜。此不足之證。用藥則以涼血生血滋潤消痰。涼之者。丹皮、白芍是也。生之者。生地、當歸是也。潤之者。苡仁、知母、花粉是也。消痰則以貝母、樓仁、杏仁。兼用山梔、黃芩、黃柏、犀角、黃連。或有純是陰脈者。或有純是陽脈者。當以病治病。脈不與矣。卽以荊芥、防風、牛蒡、射干、黃芩、枳殼、銀花、獨活、生地、丹皮、花粉爲治。再以保命丹。或紅內消同服。日用吹藥。夜用噀藥。無不見效。更有一種熱病而服熱藥。火毒熾甚而發於喉。開大寒大熱。疼痛不止。或舌脹而木。伸縮不能。飲食難進。其脈洪實有力。大便不行。宜急下之。若脈洪弦而浮無力。宜涼血行血爲主。若過用疎風散火之劑。恐變別證。最稱難治。又有一種出外急走遠路。脫力而傷肺氣。喘息難舒。以致喉痛舌脹。地閣下腫。突如鎖喉之狀。內視之非重舌。外視之非痰毒。寒熱大作。痰涎湧湧。六脈洪大中空。面色發黃而浮。初以防風通聖散探之。或效一二。卽以涼血生血順氣之藥治之。又有似喉證非喉證者。其喉亦痛。牙關緊閉。胸脅疼痛。或腹脹痛。四肢攣厥作痛。此因受有重傷。或用力太過。致瘀血凝滯。當以行血破瘀爲要。初起可救。過五六日不治。又如弱證喉癰。雖是肺經之病。亦有兼他經而起者。何以知之。假如喉間紅癰作痛。是肺經火盛之故。若頸項之筋。有時或左或右作脹而梗。氣悶不快。此怒氣傷肝。左關脈必洪大而弦。當清肝火。以舒筋涼血爲主。用藥則以當歸、牛膝、佐以柴胡。

黃芩、羚羊。若兼右關微弱而緩，乃脾胃有虧，須兼用白芍、茯苓。此肝脾與肺共病也。喉間紅癰作痛，其舌紫色，或生刺作痛，或作木乾枯，是心經受虧，無血榮養，以致虛火熾盛，且兼思慮過度，鬱氣所成。左寸脈必浮洪，當以犀角、黃連爲主，佐以當歸、白芍。此心與肺共病也。喉間紅癰作痛，滿脣焦裂，口熱如燒，或作乾嘔，是胃經虛火熾盛，右關脈必洪弦且緊，當以山梔、黃芩爲主，佐以當歸、白芍、山藥。此胃與肺共病也。喉間紅癰作痛，夜間舌乾口苦，湯水不進，或有嗽而無痰，更兼滑精者，是腎水枯竭，虛火上炎，兩尺脈必洪數無力，當以山藥、知母、黃柏爲主，佐以花粉、澤瀉、白芍、茯苓。此腎與肺共病也。若夫肺經獨病，或吐血而成，或嗜酒而發，或脾瀉而生，氣血消散，嗽重聲啞，喘急痰多，聲如曳鋸，睡臥不得，六脈洪大而浮，肺部更甚，當以苡仁、山藥、貝母、黃芩、樓仁、牛蒡爲主，佐以當歸、白芍、熟地、茯苓、丹皮、犀角、黃柏、知母。服之喉痛雖止，然不過待日而已，更有六脈沈隱，神脫氣敗，飲食不進，步履不前，盜汗自汗如雨，脾氣溇泄，死無疑矣。若年老人喉間紅癰作痛，或舌上生刺，或破腫，或木脹，言語不清，六脈微洪，五至有餘，飲食動靜，形色神氣如常，此血少火盛，當以黃芩、丹皮、茯苓、熟地、當歸、白芍爲主，佐以元參、牛蒡、枳殼、銀花、花粉、山藥、苡仁。甚則加犀角、黃連。不同前論。若小兒痘後或瘡後患此，當以犀角、黃連，敗其熱毒，更以涼血補血健脾之藥佐之。尤草、參、藍斷不可用。此外用藥與大人相同。若女人胎前患此者，先以安胎爲主，次以涼血爲佐。紅內消，保命丹忌用。餘藥無妨。產後一月未滿者，當以熟地、當歸、補血、枳殼、青皮、下氣、元參、射干、牛蒡、元胡索、銀花、消腫，少加黃芩、花粉，以清熱。紅內消，保命丹可用，但不宜多。吹藥噙藥忌之。如經期適來，當

以破血下氣之藥爲主。涼血者少用。紅內消、保命丹、噙藥服之亦無忌。茲論其大略如此。餘詳各條。

### 通治用藥

夫喉證向有三十六法。今余列十八證。名目雖簡。而治法已備。要之十八證中。又可以風與痰與火概之。凡遇此證。不論緩急。只以下氣消痰爲主。次則清火涼血。若不分先後。混亂用藥。貽害匪淺。今開用藥大概於左。惟高明者臨時參用可耳。

藥用防風、前胡、丹皮、獨活各一錢。杏仁、樓仁、山查各三錢。車前、木通各八分。兩劑後加山梔、膽星各一錢。生地二錢。如火未息。加黃芩一錢。以保命丹、紅內消同服。

誤用黃連、半夏、生薑、桔梗之類。難以收功。照前方加羌活、獨活。服幾劑自愈。牙關難開。須加真北細辛一分。

單蛾、雙蛾。至八九日後。方可用鍼刺出毒血。未滿十日。萬不可刺。

或有疔瘡根腳。紅內消不可用。用之反凶。煎藥中加地丁草七八錢自愈。保命丹可服。頸間痰毒。須加象貝母、草河車、猴薑。若日久難愈。以蝦蟆一箇。研好。硃砂五分。灌於中。泥裏煨。研末服之。自消。

### 用藥禁忌

古有甘桔湯。乃清喉之要劑。今人見有患喉證者。卽用之而無疑。嗟乎。此猶抱薪救火。非能愈疾而更增。

其疾矣。何以言之。夫喉證乃火毒上升所致。須以降氣瀉火爲要。甘草補中而不瀉火。既受其補。則火愈熾。病愈重矣。桔梗引諸藥上行。藥既上行。則痰與火亦引之而上行。勢必喉間壅塞。於病更加重矣。或小兒驚痰。大人痰火。桔梗是最忌者。本草云。升麻引胃中清氣上升。又可代犀角。似乎可用。不知一用。其痰火與氣一齊上湧於咽喉之間。四肢逆冷。喘急異常。爲害匪淺。若在他證。猶或可用。如鎖喉。服之則不治矣。半夏雖消痰。若喉證痰重者。誤用之禍不旋踵。蓋此乃治脾家溼滯之痰。至於喉證有痰。總不外肺中熱火。何可以半夏之燥烈治之乎。老薑辛辣發散。雖喉證亦以發散爲主。然過用辛辣之味。則以火益火。大非所宜。此五者與喉證關係甚重。故特表而出之。至別藥之中。亦多禁忌。惟業醫者審擇用之。茲不多贅。

# 丸散方藥

牛黃解毒丸卽嚙藥

治一切喉風痺閉。咳嗽喘急。痰涎壅塞。胸膈迷悶。並口舌等證。無不見效。

牛黃五分

青黛一兩  
飛淨

冰片五分

雄黃五錢

兒茶三錢

官礪五錢

薄荷三兩  
另研

膽星四兩

研細末。生蜜和丸。如芡實大。每嚙一九。待其自化嚙下。一日夜須嚙四九。小兒減半。

紅內消散

治咽喉一切諸證。並無名腫毒。已潰未潰。均可使用。厥效如神。

大蜈蚣去頭足切斷同米炒以米黑爲度

乳香去油

沒藥去油

血竭另研

雄黃

象貝母

川山甲炒

辰

砂水飛麝香揀去毛皮乾研

右藥等分。惟麝香少許。研細末。每服七分。小兒減半。和煎藥同服。酒下亦可。

保命丹錠子

治咽喉口齒新久腫痛。並解諸毒。磨服神效。

麝香揀去毛皮研三錢

辰砂明透者水飛淨三錢

冰片梅花大塊一錢

珍珠研細末一錢

琥珀一錢

山豆根汁另用一兩熬

文蛤洗淨煨一兩山茨菇洗淨焙二兩

雄黃鮮明大塊研淨三錢

千金子白者去油一兩

紅毛大戟浙江紫大戟爲上北方綿大戟

不堪用去蘆根洗淨焙乾爲末一兩四錢

右藥研末。以糯米粥和山豆根汁。打糊爲錠。每重一錢。病輕者一錠。重者連服二錠。

膽冰消毒散。初起吹藥。

血竭一錢。膽礬一錢。

雄黃一錢。

乳香去油三錢

冰片一錢。

白占三錢。

燈心灰不拘。

冰硼散。收功吹藥。

冰片一錢。硼砂一錢。

山豆根五分

玉屑散。一名五馬破曹。

治咽喉口舌頸項破爛諸痛皆效。

薄荷三兩另研

官礬三錢五分

雄黃三錢

兒茶一錢

冰片三分

右藥研細末貯甕餅內。臨用挑少許置舌上。咀含片刻。嚥下。日用八九次。如鎖喉風口內乾枯牙關緊閉不能咀含者。以無根水灌下。自能開關生津。惟脾虛胃弱者不宜多用。

鎖喉第一

此證因風熱積於胸膈。或酒色及鬱怒所致。其狀喉上下左右紅紫腫痛。或帝丁焦黑腐爛。頸項浮腫。痰涎壅塞。聲響如潮。氣急發喘。眼目直視。額上有汗如珠。身汗如雨。或泄瀉清水。四肢厥冷。或腰脅疼痛。肚腹脹痛。法在不治。若脈六七至。不論大小。至數分明。雖甚危險。十中可救一二。或脈洪大或沈細。惟三部混亂。卽形色神氣如常。終爲難治。初起用吹藥噙藥。痰多以萬年青根搗汁和醋攪去痰涎。或土牛膝汁。或青魚膽汁俱可。

加減荊防敗毒散。

脈洪大七至用之

荊芥、防風、牛蒡、連翹、膽星、獨活、前胡、枳殼、蘇子、樓仁、杏仁、生地、黃芩、黃柏、山

梔、元參、加原枝燈心二十莖、長流水煎。和保命丹同服。大便不行。去荊芥防風。加枳實、青皮、大黃。

加減柴胡雙解散。

脈沉隱或二至用之

柴胡、前胡、羌活、獨活、枳殼、枳實、川芎、青皮、樓仁、杏仁、膽星、蘇子、長流水煎。

和保命丹同服。冬月加麻黃。

脈七八至而浮洪。頭面皮肉浮腫。色微紅。涕淚交流。語言蹇澀。或以防風、蘇子、銀花、牛蒡、杏仁、樓仁、枳殼。

枳實、膽星、青皮、黃柏、黃芩、山梔、元參和保命丹同服。亦有獲效者。服荊防敗毒散後，肺管脹塞，兼咳嗽者，卽加生地、當歸、白芍。

服敗毒散一劑，喉痛頓減，惟胸膈脹痛，牽引脊背，再服之卽除。服三黃湯，亦有全愈者。

蜒蚰同白梅搗爛和丸嚙之，每見有效。

誤用大黃、巴豆瀉利不止，喉證雖愈，而胸膈脹悶，飲食不進，醫復誤作他證治者死。

## 重舌第二

此證因平日喜食炙煇熱毒之物，積熱攻於心脾二經所致。其狀舌下腫，突生一小舌，久之大舌反縮短，或脹而紫，言語不清，飲食不下，微作寒熱，口中清涎極多，卽用銅匙將舌捺定，用三棱針刺大舌兩旁，及舌下金津玉液兩穴，各一針，可五分許，再刺小舌兩旁，或出紫血，或待清涎流盡，方進吹藥。藥，次服煎劑自安。

藥用荊芥、防風、連翹、獨活、前胡、射干、膽星、枳殼、元參、生地、黃芩、黃柏、銀花、花粉、長流水煎，如刺破，清涎出盡，亦有弗藥而愈者。

## 氣癰第三

此證因惱怒傷肝，肝血不和，以致肺氣壅塞，火熾上升，發於喉間，其狀帝丁之上，紅腫作痛，或有連及兩

邊者寒熱大作。初起不宜刺破。待六七日後方可針刺。或有誤服升提之藥。竟不能愈者。或有服保命丹。紅內消。其毒自出者。如痰多。則以醋攪之。強進飲食爲妙。否則恐變輕爲重。

藥用荊芥、防風、射干、牛蒡、連翹、烏藥、膽星、前胡、枳殼、生地、元參、黃芩、銀花、長流水煎。痰多加樓仁。氣重加枳實、青皮。大便不行。加黃連。甚則加大黃。

#### 乳蛾第四

此證因嗜酒肉熱物過多。熱毒積於血分。兼之房事太過。腎水虧竭。致有此發。其狀或左或右。或紅或白。形如乳頭。故名乳蛾。一邊腫曰單蛾。兩邊腫曰雙蛾。或前後皆腫。白腐作爛。曰爛頭乳蛾。初起必發寒熱。用保命丹。紅內消。兼煎劑治之。

藥用荊芥、防風、射干、牛蒡、前胡、枳殼、膽星、連翹、生地、丹皮、元參、黃柏、黃芩、銀花、長流水煎。如火盛。加犀角黃連。大便閉結。加大黃。寒熱不止。加羌活、獨活。體虛痰多。加樓仁、杏仁、貝母。

有一種名根腳喉風。其證日行一穴。至七日行七穴。喉間發泡。時欲嘔吐。或一年一發。或半年一發。或一二月數發。根留於中。不能盡去。一時難愈。或云先從腳跟發起。至於喉間。亦名腳跟喉風。發時在左。則左足酸軟。陰痛。有似筋觸。牽入喉間。在右亦如之。治法同乳蛾。證亦相似。

今人每見發有紫泡。以爲毒物。卽用刀鍼開之。豈知病之初起。毒氣熾盛。發之於泡。若刺之出血。非但不能愈疾。加之破傷。則病益重矣。

或問曰亦有刀鍼而得愈者何故答曰彼病勢淺火毒不重刺出血少則愈者其偶然耳倘病勢已深火毒極盛設以刀鍼刺之其誤事也可勝言哉

或以寒熱大作誤認感寒即用生薑半夏喉痛益甚蓋薑夏喉證所大忌也詳前用藥禁忌

### 弄舌第五

此證因風痰久積於內或勞役過度而生其狀舌出過脣不能言語患者以手時弄其舌故名初起用青魚膽汁攪去其痰急宜以小布鍼刺少商穴在手大指內側之端去爪甲角如韭菜許白肉際乃肺經穴也出血者易治出黃水者難治腫不消者亦難治

藥用枳殼枳實牛蒡連翹射干青皮蘇子膽星防風生地犀角黃芩山梔銀花長流水煎

舌捲縮而不能言因乎風寒也舌長寸許而不能收因乎房勞也舌腫滿而不能消因乎七情也舌根腫脹者謂之重舌腫而不柔利者謂之木舌初起急宜醫治遲則不救舌脹滿口痰涎極多亦木舌之一種前方重加大黃芒硝下後自愈

### 纏喉第六

此證因風痰溼熱久積於內或食炙博厚味太多或房勞及抑鬱所致其狀耳下紅腫漸趨項下及結喉之間一邊者輕兩邊者重喉內帝丁左右兩傍如蛇盤之狀有黃白二色黃爲黃纏白爲白纏急宜刺少商穴出血注見弄舌次用吹藥噙藥男子延至結喉下不治女子延至胸膛不治喉中聲響如雷者不治額鼻

有青黑氣。頭低。痰如膠者。不治。

藥用荊芥、防風、羌活、獨活、枳殼、連翹、膽星、樓仁、車前、紅花、丹皮、黃芩、元參、前胡、牛蒡、銀花、長流水煎。和紅內消同服。再下保命丹。服藥至四五日。加當歸、白芍、生地、黃柏、土貝母。其效甚速。

### 啞瘵第七

此證因風痰壅滯於咽喉之間。其狀口不能言。牙關緊閉。即用蟾酥化水滴鼻內。即開。仍以玉屑散吹之。再將鵝翎探入喉中。攪去風痰。即能言矣。先進牛黃解毒丸。次服荊防敗毒散。連進二三劑自愈。如面紫、舌青、唇黑、鼻流清涕、目赤多淚、爪甲俱青者。不治。

### 骨槽第八

此證因憂思鬱慮。邪毒交乘。結聚於太陽經絡。或則惱怒傷肝。致筋骨緊急。思慮傷脾。致肌肉結腫。膏粱厚味。致膿多臭穢。其狀始於耳項。皮膚間隱隱有核。漸如李大。便覺腫痛。初則堅硬不消。久則延爛難愈。甚至齒牙墮落。牙牀腐穢。俱在不治。初起先用鵝翎探吐風痰。次以陳艾灸耳垂下五分七壯。再服煎藥。加減當歸、連翹、枳殼、生地、銀花、射干、膽星、赤芍、元參、牛蒡、元胡索、黃芩、丹皮、長流水煎。

### 懸蟬第九

此證因上焦熱毒蘊積。風痰壅塞而生。其狀上脰腫垂。形如蛙腹。或如雞卵。咽喉閉塞。痰涎滿舌。初治用鵝翎探吐風痰。次以吹藥噙藥。及荊芥敗毒散加減。日久服千金內托散。

加減千金內托散。厚朴、荊芥、防風、連翹、羌活、獨活、白芷、膽星、枳殼、元參、蘇子、杏仁、樓仁、葱白。

### 爛喉癰第十

此證因棉花瘡毒未盡而結於咽喉。其狀周圍紫暈。漸至腐爛。爛上則鼻平陷。爛下則飲食難進。多致不救。初起不覺。或十日半月始知。當以清熱涼血補脾爲主。佐吞百寶丹。二三十服。若體弱痰多。嗽重聲啞者不治。

藥用生地、花粉、黃芩、白芍、黃柏、丹皮、銀花、元參、牛蒡、射干、防風、角刺。體弱者加茯苓。嗽重加山藥、苡仁、知母、樓仁、杏仁。熱甚加犀角、黃連。十劑後服犀角貝母膏。

膏用犀角、羚羊角、丹皮各八錢。當歸、元參各五錢。黃連、黃芩、黃柏、防風、射干、荊芥各三錢。牛蒡、八錢。枳殼、連翹各六錢。土貝一兩。茯苓、苡仁、花粉各五錢。煎汁約四大碗。濾渣。將汁再熬如稀糊。納煉蜜半觔。收貯蠶罐。日服四次。在卯巳未亥四時。每次半鍾。以燈心湯攪和送下。忌生冷發氣之物。體弱者去黃連、花粉。加白芍、陳皮、石斛、惡心、砂仁。湯送下。如合九藥。去黃連、羚羊角、荊芥、防風。日進二次。每次二錢。

百寶丹。牙皂一兩。銀花三兩。硃砂五錢。研細末。每服六分。以冷飯塊三兩。水三盞。煎至盞半。分作二服。服在巳午兩時。須二十餘服。方能見效。食時多服豬油、麻油。以潤肌膚臟腑。忌茶酒、牛羊、麪食、葱、蒜等物。

### 熱風喉癰第十一

此證因勞心過度。血衰火盛而致。其狀喉間紅筋。紅癰。或帝丁兩旁。微有疙瘩。一起卽覺。非弱證。喉癰可

比時作寒熱。若食熱毒之物而起。不作寒熱。於此爲別。

涼血地黃湯。生地、黃芩、丹皮、牛蒡、元參、防風、荊芥、黃柏、花粉、赤芍、火甚加山梔。或犀角、黃連。

弱證喉癰第十二

此證因酒色過度。或勞碌憂鬱所成。其狀喉閉紅筋紅癰蔓延而生。津嚥疼痛。夜間發熱口燥舌乾。六脈洪數。當以清熱補血爲主。若動靜飲食如常。形色精神不脫。無嗽無痰。乃血分有熱。須涼血破血。不宜用補。如嗽重聲啞痰多。及盜汗不止者。不治。

藥用白芍、丹皮、黃芩、當歸、元參、生地、黃柏、銀花、花粉、大力子。初起亦加荊芥、防風、連翹、枳殼。病久去之。嗽重加知母、前胡、土貝、樓仁、杏仁。熱甚加柴胡、黃連、心火盛加犀角、黃連、肝火盛加羚羊角。泄瀉加白朮、茯苓。腎水枯竭加山藥、澤瀉、枸杞、五味。知母停酸作嘔加砂仁。虛甚加苡仁。山藥、茯苓、當歸。倍以白芍。

喉閉第十三

此證乃寒邪直中下焦。逼其無根失守之火。發揚於上。以致咽痛。卒然喉閉。四肢厥冷。六脈沈微。但必下利清穀。口燥咽乾。而不思湯飲。方是寒證。急宜刺少商穴出血。注見弄舌再服煎劑。若口燥咽乾而渴。與此證壤矣。

四順理中湯。人參、白朮、甘草、乾薑。

四逆湯。附子、肉桂、甘草、乾薑。

#### 噎食第十四

此證乃熱毒積於心肺二經。咽喉乾燥而無津液。是以喉中作痛。而噎食難下也。急用當歸連翹散。加大黃利之。若治稍遲。則有飛尸癆瘵之患。如痰喘。治以川桂散。加吳茱萸五七粒。服後覺心肺閒刺痛。仍用當歸連翹散。

當歸連翹散。當歸、生地、黃芩、連翹、山梔、枳殼、羌活、防風、荊芥。按當用骨槽門加減法。

川桂散。按此方原本藥品未載。

#### 發頤第十五

此證或傷寒發散未透。餘毒積於經絡。有與傷寒同發者。有不與傷寒同發者。其狀耳後紅腫。頭重體倦。急用千金內托散治之。外敷南星膏。若發於耳後一寸三分。或鼻中流涕。咽喉閉塞。痰涎壅聚。法皆不治。南星膏。按此方原本藥品未載。

發於耳後。名發頤。發於腮邊。名穿腮。發於地閣下。名穿喉。皆屬痰毒。初起破血消痰降氣。其後涼血生血。滋陰降火。惟燥熱之藥。斷不可用。刀鍼圍藥膏藥。並忌吹藥。噙藥多用爲妙。

#### 懸癰第十六

此證乃脾家熱毒。外感風熱而成。其狀忽於上腭。生一紫泡。垂下抵舌。疼痛異常。口不能言。舌不能伸。頭不能低。仰面而立。鼻出紅涕。若不速治。毒入於腦。卽死。急以小刀刺破癰頭。出盡紫血。不可嚥下。用菊花

湯漱淨。先以菊花葉搗汁一盃。和酒送下。次進牛黃解毒丸。煎以荊防敗毒散。加地丁半枝蓮。甚效。

### 喉菌第十七

此證因食膏粱炙煇厚味過多。熱毒積於心脾二經。上蒸於喉。結成如菌。面厚色紫。軟如豬肺。或微痛。或木而不痛。梗塞喉間。飲食有礙。須以鍼刺。出紫血者可治。鮮血者難治。日刺日有。漸如蜂窠者不治。藥用犀角、黃芩、丹皮、僵蠶、射干、連翹、銀花、紅花、生地、黃連、黃柏、枳殼、獨活、元參、赤芍、大力子。

或年幼之人患此。不疼痛者。當以丸藥治之。日久自消。切忌刀鍼。藥用丹皮、獨活、防風、連翹、紅花、生地、荊芥、射干、牛蒡、前胡、枳殼、山查、犀角、銀花、花粉、山梔、黃芩、黃柏、元參、元胡索、蜜丸。日服二次。每次二錢。開水下。

### 牙癰第十八

此證因勞心過度。或食熱毒等物。鼓動陽明胃經之火。發於牙齦。其狀如豆大。或如指大。紫色腫硬。疼痛難忍。或頭疼。發熱憎寒。先服紅內消。次進荊防敗毒散。和保命丹同服。吹藥噙藥多用。初起發散後則涼血。如不愈。乃是體虛。當用黃耆、白朮、當歸、柴胡、陳皮、熟地、丹皮、芍藥、黃芩、石斛、元參、牛蒡、山梔。凡牙痛。或左或右。痛無定處者。前藥亦治。若誤服發散。其痛更甚。以水醋各半。和熱水漱之。即止。

右咽喉脈證通論一卷。先府君曾於道光辛丑五月刻於廣州。卷首有府君手書序二篇。工刻精絕。宛然真跡。惜江浙寇亂。板已不存。同治十三年冬。覲元在川東。檢點書簾。得初印樣本一冊。因續授之梓。以廣其傳。仍模刻面頁。標題年月。及署檢用存手澤。先府君精通醫學。其大略已見序中。覲元懵不知醫。但據本校錄而已。於戲。卽此藝事之微。已不相肖如此。況其大者遠者乎。是可媿已。歸安姚覲元記。

